

續輯咸甯縣志



藏書



光緒  
二十  
年  
秋  
葉



續輯邑志序

奎旣窮且老濩落無所用栖遲望雲山莊不與人世事久矣歲壬午邑續輯志乘齒及於余余不文奚能爲役而諸君子見委之意則殷甚也請於筱園陳侯侯遞延午峯余子蘭室章子同司載筆弗獲固辭因思方志之書風教係焉苟有可盡之心力不得謂無責於其身尙朝廷之政教弗紀賢司牧治行弗傳鄉先正勳業文章弗耀忠臣孝子貞烈義婦之卓行苦節弗彰是邑之陋亦士大夫之略也豈特山川景物韻事芳蹤黯沒銷沉爲可流連而嗟嘆哉余是以勉而承之頃志告成矣諸君

咸甯縣志

卷首

續輯邑志序

三

子又謂余宜有言以揭諸簡端則謹爲之序曰前事之不亡後事之師也咸割江蒲置邑宋元無志志自明天順學博伍公始是歲亦壬午也鄉先達孟公五岑繼修之逮國朝耐菴王公又哀輯之近愚溪陳君復據王志爲藍本編次成書今惟孟志亡耳餘皆具在余何庸贊一詞然攷成都古華陽國志趙清獻剛修爲集記矣王恭簡公復輯續記范石湖胡長文相繼撰丙丁二記一書經數人之手往往然也爰竭一得之愚立體裁具徵啓發凡舉例博訪周諮取前志之存者互相參訂考之通志郡志以決所疑旁稽江蒲志以證同異善者因

之訛者校之繁者芟之脫遺者補之失次者序之事以類分例以義立類例之端各著臆說蕭規曹隨十九多沿前志若知之有未至編之有未及者自知不免也其有待於後之君子乎余滋愧矣余行自念也在昔太史公作史記而唐司馬貞探撫異聞爲索隱歐陽修著新唐書而吳縝又撰糾繆外如吳仁傑之兩漢刊誤補遺陶宗之五代補錄皆以正原書之失而人推其有功於作者余何人斯敢希往哲但自秉筆以來實事求是校讐繕寫亦身任之年已七十矣日不暇給率夜漏下四十刻一燈炯炯慘淡經營雖乏史家之長而得失審寸

咸甯縣志

卷首

續輯邑志序

四

心惟恐有負委任區區之衷竊願與諸君子共質之惜  
午峯事未及半司鐸河南暮雲春樹未得樽酒細論遺  
舛之咎其得而辭諸則亦聽其罪我與知我而已少白  
錢光奎序

續輯邑志序

志者史家之支流也自班孟堅漢書有志陳承祚遂名三國全史志輿地者三輔黃圖爲志畿輔之始元和郡縣志爲一統志之始吳郡圖經爲郡志之始鄴錄爲邑志之始自是州邑皆各有志統疆域建置田賦學校官師人物藝文之屬覩縷襞績用備郡志通志一統志裁擇而太史氏亦得所依據以爲討論之資甚盛典也白來稱述卓卓者郡推姑蘇邑推武功王康二公本良史才宜其所作雄視百代矣然王志當時卽有訾議康亦

咸甯縣志

卷首

續輯成志跋

五

見譏後世志豈易言作哉夫人非博通今古具知人論世之識未許以廁著作之林否則率爾操觚而欲扶紕繆而免嘲訕難已咸立縣始南唐保大厯宋元數百年紀載無徵明天順時學博伍君始創爲之繼以萬厯孟公國朝康熙時王公同治時陳公成書具在惟孟忠定所纂徧摻無得今去丙寅才十有七年疑若可以已者恭逢督撫各大憲編纂通志檄咸采訪邑尊陳公復園以屬不佞不佞忝邑人士謀焉僉曰丙寅志視前此

備矣顧訛漏亦所時有不及此釐正沿襲益久補救奚

從爰踴躍籌資推錢子少白董其事不佞與焉章子蘭  
室董子雨三先後載槩鉛以從夫咸縱橫不及百里截  
江蒲東西偏而邑之南唐逮今千餘歲矣伍孟諸公厯  
加纂輯尙待掇拾不佞雖苦心摻訪而地處窮僻家少  
藏書先民事實挂漏詎免矧兼資采訪者固多實事求  
是而從不加意與瞻徇世故亦豈必無惟將無作有以  
僞亂真不佞確有見聞則不敢以阿所好編次未就忽  
奉司鐸沔陽之報不獲及躬告成是用耿耿然于慮一  
得竊欲獻葑菲以曉方來而荒疏陋劣尤望後君子匡

咸甯縣志

卷首

續輯咸志敘

六

所不逮則非徒不佞之幸也已

邑人余益杞午峯氏謹撰

續志敘

邑人章列侯蘭室

自丙寅至今壬午纔十有七年耳志所以續曰 上臺之檄催嚴也前志所未及者當補入也夫咸雖小邑而實四通八達之區山川形勝人物奇特仙釋隱逸才媛貞女節烈婦之表著城池郵舍戶口賦役之繁重古蹟市鎮陂塘寺觀土產之眾多人傑地靈指不勝屈見諸紀載者不綦可考哉然自唐宋以迄元明兵火頻仍邑志難云全備明時學博伍公輯之於前邑令王公元炳邑紳少司農孟公義甫至 國朝康熙間何毅菴大令與邑紳王耐菴前輩兩續於後亦云善矣但年湮世遠

咸甯縣志

卷

敘

七

考証難週卽藏書家所存字迹亦多漫漶兼以蠹蝕鼠傷簡斷編殘令人悵悵同治丙寅邑紳陳愚溪廣文張介農別駕業重加纂訂付剞劂以垂後歲壬午 上臺復修省志檄咸再輯邑乘 邑侯陳彼園夫子已延余午峯孝廉錢少白明經理其事後以 侯自天邑岳江書院歸適賦閒居促 侯共理遂不獲辭而載筆從事竊以邑之有志也猶國之有史也史與志事同而實異史有褒貶志第錄其事蹟可爲勸導者彰明之而劣迹遺行采訪者不登諸手冊纂輯者亦無事搜求此其所以異也然而其事有甚難焉者節孝生人所重取之寬則易

濫繩之過則近刻非質乎人心之所同然折衷諸義理  
之至當未易云善由是以思修志之難也不難於考覈  
之精而難於斟酌之善不難於發微闡幽而難於循名  
核實有一事之未妥則於心不安有一語之未安則於  
眾不協卽譽之不以爲是笑之不以爲非矣而風化所  
關前無以昭彰往哲後無以感發來者則亦安用秉筆  
爲敘而不泛簡而能該此其所以難也昔曾子固有言  
知信乎古而不知合乎世知志乎道而不知同乎俗今  
茲志之修其信乎古耶其合乎世耶其志乎道同乎俗  
耶是難逃有識者之鑒矣志成聊附數語於簡端而共

咸甯縣志

卷首

敘

八

證焉

咸故無志天順開博士伍君嘗屬草焉今百五十年矣  
磨滅漫漶不復可識薦紳先生難言之萬曆甲辰關中  
王侯來蒞咸甫下車卽詢邑志慨文獻之無徵毅然身  
肩其任而以載筆屬予予最款啓乏三長不嫻於史顧  
以邑人習邑事義不得辭也乃稍檢舊志參之楚史證  
以老更所誦說彙爲六卷各千萬言夫志郡邑之史也  
史以綜天下之故而志以撫一隅之實皇華遣使周爰  
咨度太師陳詩觀采風謠太史奏而記之以存往蹟鏡  
方來陳得失之林昭懲勸之公志尤史之權輿胡可廢

咸甯縣志

舊序卷首

萬曆乙巳序

九

也咸地褊小才當于男三之一又其建最後唐宋而上  
無聞焉孔子不云乎吾猶及史之闕文也夫信信信也  
疑疑亦信也吾徵其信者而闕其疑焉故於宋元而略  
也吾不敢誣也於明而獨詳也吾不敢佚也是故仰瞻  
天度俯察地宜形著於下象見於上精稜相摩氣類相  
召天人之際如鼓答桴無不應也熊繹受封子紅胙鄂  
罷侯置守分領併隸爲鎮爲縣詘伸代謝譬之置棋不  
常所治我是以有星野方域之表山厚象仁川虛象智  
灝氣盤鬱烟光浩渺地紀人文其致一也王公設險與  
民守之乘輿濟人君子譏焉向明出治非壯麗無以示

咸興賢育才虞庠周雍不見異物而遷斯爲士矣我是  
以有山川城池津梁公署學校之籍厥土塗泥火耕水  
耨嘗慮偷生民鮮積聚承流之使冠蓋相望置郵如綫  
疲於奔命我是以有田賦郵傳之紀法施於民以死勤  
事非此族也不在祀典聖哲之變仙釋間出緇衣黃冠  
其麗不億青牛白馬之談猶河漢而無極也我是以有  
壇祠之錄豈弟君子德音不遐召棠故址峴淚堪揮高  
山仰止典型猶存我思古人雖百世之上悛然如將見  
之矧生同其地者乎我是以有宦蹟名賢之傳惟鄉三  
物論定後官匹夫有善可得而舉也里選旣湮科貢斯

咸甯縣志

舊序卷首

萬曆乙巳序

十

闢射覆爭奇得雉者王士生斯世卽莘巖有側注進耳  
我是以有仕籍之考江漢化行莫不靜好柔嘉維則聖  
善之儀雖元堂旣闕而彤管猶芬我是以有淑媛之述  
在則人亡則書識大識小惟愛則傳媚寵諛墓之詞不  
足存也我是以有藝文之輯孔子有言吾志在春秋彼  
隱桓之際則章定哀則微爲其有所刺譏也夫褒諱挹  
損之文吾何敢知要以抉其幽微正其譌舛芟其繁蕪  
增益其所未備闡前詰之清微俟後人之可信則知我  
罪我有斯志在矣夫王侯蒞咸未闕月嚴保甲清積蠹  
諸善政且次第畢舉余拭目俟之而茲獨先其大者是

可以觀志云

明萬歷乙巳志序

趙邦柱邑

聞之墨子曰吾觀百國春秋蓋國不乏史云自秦罷侯  
置守令而郡邑之志與家國二史並垂國史善誣家乘  
善溢夫其經緯天地原本山川苞孕民物恩者不得譽  
而怨者無所修其郟則郡邑之志憂憂乎難矣今言史  
者徧宇內十室之邑靡不緹裘爛焉而吾咸獨否天順  
間學博臨川伍君嘗躬爲之稱具草耳旋亦就剝蝕不  
復可句學士大夫橫經而闕八紘問以邑事莫置對也  
往予爲吾友義甫言古人尙友先自其鄉杞宋之事孔

咸甯縣志

舊序卷首

萬歷乙巳序

十一

子慨焉若任邑乘闕如何以令天下後世知有咸也義  
甫笑弗答居久之關中王侯進諸生知邑志湮佚狀爰  
謁義甫請焉義甫唯唯乃檢舊志什一益以耳目所觀  
記彙爲六卷踰月而告成事於是王侯殺青走使白下  
而屬絃於予予蹶然起曰吾志也而大夫成之耶居今  
之世志古之道所以自鏡也咸地褊小割江蒲東西偏  
而邑之蒞之以令尉董之以師儒一邑之山川民物天  
喬輓動恠瑋之態具焉觀政則餘澤猶芬考德則高山  
在望熒行徽言星列滿目迹其遺事想見其爲人無乃  
開然而有企心而仰止思齊以庶幾昔人於今日則是

編之大有造於咸也昔王仲宣記英雄欲以其時重於古荆楚傳先賢欲以其地重於天下春秋云邁陵陸已遷而二書之存猶若琬琰其色而傳之響子桓氏云文章不朽誠非虛也矧一邑鉅典千秋鴻業賢師帥實執牛耳而鄉之名卿偉人奉槃孟從之組繡其舌金石其指以圖寫人紀明章天化爲萬世規有不美愛可傳流麻千禩者乎不佞浮沈郎署匏繫白門末由搦管從義甫後效千慮之一覩是編怛怛然心動焉夫自是而咸之人知有其鄉與天下後世之知有咸也則是編在矣王侯諱元炳陝之蒲城人義甫諱養浩邑人

# 咸甯縣志

舊序卷首

萬曆乙巳序

十一

康熙乙巳志序

知縣 何廷翰

居今而卓然具千古之識能斷然衡千古之事者誠賴有文獻之傳也文獻傳而故典備故典備而一代之史彰矣史雖

國書而其成必資郡邑之志以邑統於郡郡統於省省統於京師故大一統

聖天子車書全盛之模而守庶邦者牧伯師尹宣化中外之職也自郡而下凡在屬邑志可不詳具歟然邑志之作必參以野史方言之紀載故老隱碩之傳聞徵信也信則公公則信今而可以傳後甲辰秋九月

翰奉

命任成事方兢兢飲氷茹蘗修政和民甫及替而邑中之  
庶務修百廢舉農樂其田疇士澤以詩書得持其以成  
治成者上報

聖天子固宰職然也退食之暇取往志讀之宋元以來有傳  
人因有傳享惟明萬厯乙巳而後暨我重熙累洽之世  
六十餘年之事蹟略焉未著夫成雖小邑其間山川之  
輿形士民之禮教人官物曲之輔相戶口田賦之生聚  
而輻輳守土者本實心以行實政則一邑之志胡可不  
博稽纂輯耶適 上臺飭續三楚至志徵書於成爰進  
邑薦紳及諸弟子員互相叅校錄一事必錄其事之信  
咸甯縣志

舊序卷首

康熙乙巳序

十三

而無疑甄一人必甄其人之名而當實當因者因之非  
以蹈沿徇舊跡也未備者備之非以增飾炫新華也閱  
三旬而成編登之梨棗用是達之 上臺獻之形廷樂  
觀館閣之編撰以成

國朝一統之史乘前以鑒往後以彰來無徒曰一邑之書也  
邇猶得俟諸有識者訂千古之同心焉

康熙乙巳志序

訓導胡 珪

余栖遲咸學宮星霜飽歷庶楹之下山川風土相習而  
深學數武面相山則執政當世故墟也遠挹鐘臺則北  
海書室在焉唐宋名公卿赫赫照耳目而元明兩代忠

孝偉望猶其近觀懷古盱衡未嘗不深幸夫邑志之詳而可攷也春秋百國各有書蕭何入關盡收圖籍丙古東曹考業邊瑣由此觀之古人致治圖籍之功斷未容泯志可昔有而今無與夫咸當江蒲地未割一鎮也保大間始立爲縣宋元志不傳前明天順時學博伍君實始編輯司農孟公復續編於萬曆乙巳首尾百年賢有司得以居今知昔斟酌物產裁制壤則相風土順天時志所由重也兵燹散佚畱心者鮮余方愧才不逮任君第願執鞭弭以俟君子之至斯也蓋六年於茲歲甲辰關東何侯奉

# 咸甯縣志

## 舊序卷首

康熙乙巳序

十四

簡書臨咸其明年慨然首商邑志徵邑髦士刻期續編積三月志成詳於前乙巳同於昔之伍君而相成此不朽者甚盛典也予坐臥廡楹日支頤相山博綜於唐宋元明之間俯仰於車書一統人文物產之麗庶無負此星霜云耳例有序余不敏願僭以書諸左

## 康熙乙巳志序

鄭邦相邑人

天文有分野地輿有疆域封建之制變爲郡縣其間或百里或數百里阻山距河語言物類懸殊不一豈非天地有自然之非設而隨時因革人特爲之輔相裁成者與山川之氣民物生焉有樸有僞有良有悍而土之肥

瘠俗之善淫靡不隨氣化以相感非有廉明之吏與端  
謹之士夫以倡明教化維持風習則樸者良者皆不可  
恃以爲理而况望其有忠孝節義之士孕育而起者乎  
此人之所以與天地參也邑有人而邑治猶之國有人  
而國治天下有人而天下治也賢人者眾人之則也前  
人者後人之師也文獻不足邑典闕如其何以矩矱百  
世聞風興起也與此志之不可已也咸志始於天順間  
學博臨川伍君翔之繼萬厯年間 邑侯諱元炳王公  
領之而先達鄉先生養浩孟公纂輯成卷余左睨不得  
覩其人復不得稽其籍滅沒數十年縱父老傳聞疑信

# 咸甯縣志

## 舊序卷首

康熙乙巳序

十五

相半其間士之仁者大夫之賢者愚夫愚婦之節烈名  
儒碩彥之理學才臣傑士之忠義勲名間不乏人而竟  
無傳焉主持風教誰之責與咸之民樸魯而耕耨故兵  
凶不至於走險咸之士敵謹而詩書故矜肘不及於城  
闕咸之宦溫儉而鮮驕侈故科名間作不敢爲墨吏所  
由然者星川之氣鍾之者和受之者正而又有良牧休  
養甄育於其間風純俗美殆斯人之力也甚矣志之不  
可已也美而弗彰孰爲之前盛而弗傳孰爲之後故千  
百年之聖踪賢跡四海九州之名山大川搜之輿圖燦  
若列星而况在戶牖里巷之間乎邑之有志以彰前也

以訓後也以示凡爲吏者不可不聚生齒而慎賦役而凡爲世祿者不可不尙忠孝而羞淫侈也此修志之義也余有意未逮卽授鄱令任優則學竊自勉焉乃吾弟走書饒陽盛稱邑侯何公新任廉明而憲邑人感之以修輯咸志請序將不以簿書吏視予也而曷敢辭焉若夫著述之詳略是非之眞贗三代遺直父老存焉去浮就實討古論今立不朽之言昭垂典則所望諸君子敬敏以勦厥成矣

# 咸甯縣志

## 舊序卷首

康熙乙巳序

六

康熙乙巳志序

鄭之謹邑人

洪濛旣闢清甯位分岳瀆之精上應列宿星野之區下配八極條理燦著邃古而然矣載籍以來九州形制詳於禹貢十五國風備於魯詩繼此而方輿山海之經三都兩京之作人物風土之記紛然雜出故以域中之大赤縣神州而廣凡名山大川之阻距古聖前賢之出處珠璣百寶之興藏草木禽魚之方產靡不展卷燦然若揭日月而行中天矧閭里之近肩隄之間故典不彰文獻莫考往者湮滅來者無傳豈非士夫之責也耶甚矣邑不可一日無志也何也一邑之志一邑之史也山川

之美惡必書風俗之貞淫必書民情之悍樸必書戶口  
物產之繁簡必書忠孝廉節之行實必書名賢羽仙之  
遺蹟必書故蹟志可以觀風觀風可以知樂知樂可以  
察禮察禮可以考政於以寓勸懲而移風易俗在此也  
志所係豈微哉咸志始於宋元明天順中取而輯之者  
學博伍君福也萬歷中詳而編之者前邑侯元炳王公  
鄉先遠養浩孟公也煨燼之餘廢缺無存三紀以來目  
不覩是書矣邑侯何公毅菴於治咸之明年遍索民間  
始得殘編命邑中諸君子纂輯成書余適以省覲來歸  
問敘於余余備員史館方學楊子雲日懷鉛提槩向使  
者問外國事况先輩芳型景仰在望所樂親也麗藻遺  
文所樂讀也幽貞逸節所樂道而闡揚也附名不朽復  
何辭焉夫後之視今亦猶今之視昔若覽是志者知所  
興起教行而俗美士端而民純山川毓秀人文踵作使  
志不以地重而以人重則李北海之高標馮文簡之芳  
模如邑乘所紀者庶乎其不墜云

康熙乙巳志序

王禹錫邑人

咸寧縣志

舊序卷首

康熙乙巳序

十七

郡應垣也邑百里專城應宿也邑長令北宅南向坐奉  
君令以臨民也君應極日東出躔十有二皇建而人民  
會歸於極長令上應列宿一邑休徵戾氣罔不係於身

而人民會於長令豈常人任也前志謂咸初爲永安南唐割江夏地而以咸甯名至宋元祐益以蒲圻地編十  
六里版圖田賦歲入禹服武郡屬縣有九州有一咸壤地犬牙山可界也界之水可界也界之遠而兩粵西蜀  
滇黔罔不取道於咸而其繁疲時與會城等從來長令有負兼才有中人之資有恩慈獨勝皆父母也下車日  
五方風土不同而山川城社形勢戶口壤賦時代人物遠近所產不一左右豈堪備顧問而父老子弟烏容源  
源備舉而進賴夫邑志以供覽也前志明天順間博士伍君屬草字漫漶板泐蝕不可讀而於萬曆乙巳歲關

咸甯縣志

舊序卷首

康熙乙巳序

十六

中王侯與先達孟公商訂而復輯成全卷此萬曆乙巳夏也歲紀元會一週適關東何侯蒞咸之年亦以甲辰秋侯將種而文吏也負洛陽賈誼之才仿終軍弱冠之姿道傍聚觀舉手加額相慶一望而知爲慈父母也夫不知侯孝友天植奉母隨任慈命是凜錫類之廣應格豚魚亡何索詢邑志鼎革後志湮滅斷簡侯於乙巳夏首徵禹於歸田山僻更進子衿十餘士於輻輳偃室時舉前王侯乙巳所輯今乙巳復廣而輯之殆有進焉矣侯論定卜吉大集資福立編志館公餘退食簡騎從短

葛箭袍日一視事禹彰厥高深用告同軌自禹而外職

編次蒐討分任各執一事事有不實不詳禹不敢筆凡  
編次蒐討微有未合諸友未嘗輒許也是志更有進焉  
不但參之前乙巳邇而上伍君屬草以及元志更搜郡  
邑之備名公鉅卿山人韵士詩歌以雅以南以頌舍是  
無取焉不謂有進焉不可一體侯之誠切志其一端爾  
乃若三載異績自有彤管書可拭目以俟禹其揮汗  
屬草研墨成文

康熙乙巳志序

陳璧邑人

聞之星日之垂昭諸古史覽物之槩寄在方聞咸邑舊  
志明以來號差備矣其季年兵火流離典文散失以鄂  
感甯縣志

舊序卷首

康熙乙巳序

五

淦風物人文之盛而載籍泯闕懿美弗彰君子缺焉璧  
操刀學割慙賦歸來徒勞與寐實云有志而未逮也當  
事者有修釐三楚通志之舉檄下邑邑侯何公毅菴欣  
肩任之一日集諸紳士採諸名宿慨然詢其事於余以  
爲諸士倡璧何知焉然邇厥前乙巳修志於今越六十  
年凡山川風俗戶口壤賦星紀災祥名宦人物與夫忠  
孝節義廉潔孤尙有關名教者不論缺簡殘篇間吟一  
得悉得採取而編錄之廣搜旁覽分類成書顯微闡幽  
小善必錄未一月而成蓋以耳目之所常觀記者共紀  
其事必確必公不浮不溢以是而達於上臺傳之四

境質諸鄰封庶乎其有光如此典矣夫邑載家乘各具  
名山之勝流連觀覽仍同拱璧之珍後之採風茲土者  
一開卷而恍然見吾邑山川人物之盛見吾邑山川人  
物之盛而何侯撫字苦心其德業之遠及者千百載後  
如或親見璧亦藉是以與爲不朽何典之隆也語云莫  
爲之前雖美勿彰莫爲之後雖盛勿傳於是乎贈之以  
言卽不覺其欣幸之極而忘其言之贅也以是爲序云

同治丙寅志序

陳怡

古者列國皆有史官掌紀時事至秦變封建爲郡縣志  
乘以作其義例權輿於龍門班范而考核則准

咸甯縣志

舊序卷首

康熙乙巳序

二十

大清一統志爲最精後有作者弗可及也已咸志創自前明  
天順間續修於萬厯間逮我

朝康熙六年毅菴何君復釐訂而蒐討之頗稱完善卽今  
所謂舊志也二百年來兵燹摧殘簡編剝蝕有待於補  
直掇拾者甚多怡於同治四年夏承乏斯篆辦理善後  
之暇接見都人士議修志事深愜余懷良以有人心而  
後有風俗有觀感而後有人心况斯邑爲聲明文物之  
區顧坐視猷缺文殘幽光遏鬱無論非士大夫桑梓敬  
恭之諒抑亦非守土者維持風化之心也怡爰竭心力  
以成其事並訪延名宿暨公正紳者分任纂修采訪稽

星躔之分野辨疆域之沿革表揚志士仁人之大節以及貞媛烈婦之孤衷分三才而各爲一類加之農田水利以興養道學文章以興教餘者備敘繼自今人心風俗之類感意在斯乎意在斯乎至若山川名勝博雅士能言之固不必侈談金山淦水竹嶺梅坡鰓然挾藻接華吟風嘯月也邇因瓜代有期未遑蕝事姑先錄其大旨尚希續成斯志者博采旁搜以匡未逮是則怡之厚幸也夫

同治丙寅志序

沈寶枏

士人讀書先四子六經次歷代綱目以及

咸甯縣志

舊序卷首

同治丙寅序

三

大清一統志與廣輿記諸書皆宜備覽周之何則讀古書監古人瞻今書審今事也嘗有皓首窮經文章自命一行作吏而未能措施裕如者泥古而不知準今也予生自江浙長於山左承先君子訓朝夕稽考以道光甲辰舉於鄉同治癸亥南宮報捷晉庶常館越乙丑改職牧令丙寅三月奉

簡命來宰斯土欲悉民風先觀邑志乃知咸甯立縣最遲在宋元無書可考至前明天順臨川伍學博始纂輯以成書萬歷閒官紳王孟二人續修逮

國朝康熙六年前賢何毅菴偕邑紳王禹錫又修之今二

百年有奇雖有是書而藏之者鮮即徵諸世胄間獲一二緘而編殘簡斷揣合殊難因嘆邑志之修也亟甚况下車伊始正值

憲札催辦之時方惴惴然懼無以應命適有同年生陳君愚溪張君介農等編志稿呈政於予並懇予備文呈政於上憲予於公暇逐句逐字詳閱細審見其星野輿圖學校建置與夫食貨秩官人物藝文諸類綱著爲八卷成十五條分縷晰詳不厭冗簡不病遺是宜以剗刷成書以備郡志省志之採因以備

一統志之採至邑中山川之勝風土之宜詩書科第之迭興

### 咸甯縣志

#### 舊序卷首

同治丙寅序

三

忠孝節義之競爽一開卷而朗若列眉固不必贅以誇美之詞焉是爲序

#### 同治丙寅志序

雷以誠

邑之有志原以載山川險要城郭溝池祠廟衙署戶口賦稅風尚土物人文科第以及忠孝節義並流寓釋道隱逸方技莫不條分縷晰用備郡志省志採擇以成一統志之盛予幼時讀書不出戶庭及應小試水陸所經見有挂榜銅鼓尖小龍潭蘋花溪潛山寺在洪溫泉等處聞皆志書所載也比至邑城東門見豐碑屹立有指稱曰此宋馮文簡公讀書臺故址也又有鐘臺山聞係

唐李北海讀書處石案臥榻尚存洞中予未得至其所  
此皆吾邑古來人傑之見於前史者意其文章事業邑  
志或能較詳且聞前明人才炳蔚仕宦頗多迄我

朝國初自鄭野謀前輩晉詞館後竟有皓首窮經以得一  
賢書爲難中間如張公異峯宗崑胡公理齋章皆以進  
士得官均未聞有談及邑乘者家大父北軒公藏書頗  
富而獨無邑志詢之戚好亦鮮存此書是用耿耿道光  
癸未予成進士由刑部郎官出使閩浙隨轉監察御史  
升禮科給事中曾致書吾邑學博胡崑白璧華同年浼  
其訪覓舊志商之同邑紳耆重新編纂終以經費無出  
不果行其後予歷任內閣太常大理奉天府丞兼學政  
復升左副都御史出使南河旋升刑部侍郎  
欽差幫辦軍務忽被議遠戍西羌到配未久卽蒙

### 咸甯縣志

#### 舊序卷首

同治丙寅序

三

恩起用還都今乃罷職歸來計筮仕四十年所歷地方往返  
奔馳約三四萬里足迹幾半天下席不暇煖且值吾邑  
屢經燹劫竊慮典籍淪亡不復能酬修志夙願也茲官  
秀峯爵相制府以吾楚漸次肅清省志已成灰燼文憲  
無稽諭前任方伯厲伯符札令各府州縣趕修志乘前  
任邑侯羅液池先行倡捐並請兩學博偕邑紳共議設  
局興修事未舉而羅公忽因潰勇謀逆殉難續經陳邑

侯心台仍延原辦諸公力成此舉嗣陳交御赴南漳新任沈公粟香實授前來相繼督修並將覓得舊志郵寄到省予反覆披讀始知邑志肇自前明天順中輯之者學博伍君也萬厯中詳而編之者邑侯王公與鄉先達養浩孟公也逮

國朝康熙乙巳歲邑侯何公毅菴與邑紳王公禹錫搽殘纂輯內翰鄭之誑撰序卽今所存舊本也第閱歲已久鼠耗蝨蝕紙頁破綻不免亥豕訛謬若不及早重加釐正將圖籍日就湮沒故老無存後雖有心欲再修舉必至無可徵信矣今諸君子合力同心肩任其事以舊志

## 咸甯縣志

### 舊序卷首

同治丙寅序

三

爲程式攷訂詳核酌理衡情不參私見可因者因之缺者補之復旁摭博訪凡有關風化者徧採而登記之洵足信今而傳後俾邑之中有所觀感士食舊德農服先疇相與敦品力學樂業安居將見人才輩出於以黼黻皇猷光我家

國而凡蒞茲邑者亦皆以循良相勸勉德教行而禮俗成舉於斯志基之矣乃忽走倖肅函丐予一言列之簡端予自維前以主講黃州河東書院時適值漢皋戒嚴吾邑方在攷試以故不能赴局今春復受聘訂定江漢書院掌教未遑懷鉛握槧與諸君子晨夕蒐討身在事外

掠取美名靦顏可愧然既承不棄謫陋屈指首及遇茲  
盛舉近則伯仲諸君遠則繼伍孟諸先賢之後並傳不  
朽不可謂非生平之幸云

威甯縣志

舊序卷目

同治丙寅序

二五

續輯咸甯縣志姓氏

光緒八年壬午

主修

咸甯縣知縣

陳樹楠 進士 後園

咸甯縣知縣

諸可權 諸生 自菊

監修

咸甯縣教諭

陶翊空 副榜 霽春

咸甯縣訓導

黃元昕 舉人 仲丹

承修

候選訓導

錢光奎 歲貢 少白

咸甯縣志

卷首

輯修邑志姓氏

三

沔陽州學正

余益杞 舉人 午峯

協修

候選訓導

章列侯 舉人 蘭室

校閱

候選訓導

董曷勳 拔貢 呂仲

採訪

伍兆霖 邑庠生 賦卿

張達琛 邑庠生 寶琴

劉德馨 邑庠生 小銘

艾尙昇 邑庠生 鳳洲

葉國霖 廩膳生 兩香

孫天錫 廩膳生 哲夫

錢平元 邑庠生 心畲

呂安詵 歲貢生 覺之

童衡 邑庠生 六平

王龍光 邑庠生 惕子

周煥文 邑庠生 斐然

周繼濂 邑庠生 蓬船

但文瑞 邑庠生 清華

朱小沛 太學生

方鏡明 歲貢生 南湖

余開第 孝廉 鴻谷

石廷玉 廩膳生 龍山

樊鳳起 舉人 丹池

陳楚翹 教職 少海

黃家鉦 職附生 仁山

陳定煌 太學生

毛鴻儀 歲貢生 羽卿

石鏡明 拔貢生 晴江

章兆吳 邑庠生 少室

陳丹書 廩膳生 輔臣

周際虞 邑庠生 兼山

陳清揚 歲貢生 婉如

胡玉琳 邑庠生 寶臣

胡登壽 恩貢生 雪門

羅名湘 邑庠生 金階

陳金谷 邑庠生

毛有珠 職員 子權

余燮堂 職員

周宗源 邑庠生 起齋

余兆昂 邑庠生 輔丞

余文品 邑庠生 梅丞

陳耀東 太學生

廖樹棠 邑庠生 朗山

吳鳳瓌 舉人 采洲

余性芳 邑庠生 蘭谷

鄒綏之 太學生

# 咸甯縣志

## 卷首

三七

萬壽山 邑庠生

江意揮 孝廉 指如

黃灃 職生 雪塋

廖桐階 邑庠生

雷煥奎 廩膳生 寶臣

潘麗生 太學生

吳國琛 邑庠生 小雲

張濟川 邑庠生

金琢周 邑庠生 序東

王炳春 邑庠生 印心

胡春昇 邑庠生 芝軒

吳殿琛 邑庠生 丹霄

何光廬 廩膳生 愛吾

何煥南 邑庠生 麓山

魏子奇 邑庠生 毓農

劉立廷 教職 小石

董鳴盛 邑庠生 竹軒

賈序鏞 邑庠生 登如

胡藻 邑庠生 雨亭

劉玉昆 邑庠生 桐軒

張庭輝 孝廉 允圃

吳慎徽 邑庠生 獻臣

楊友三 廩膳生 梅村

胡漢臣 邑庠生 變亭

吳曉然 武昌人 邑庠生 知門

陳經金 邑庠生 芸軒 舍生

人梓

舊修邑志姓氏

明天順五年壬午志

主修

咸甯縣知縣陳灝蔭生公遠

纂修

咸甯縣教諭伍福舉人天錫

明萬曆三十三年乙巳志

主修

咸甯縣知縣王元柄陝西舉人

纂修

咸甯縣志

卷首

舊修邑志姓氏

二天

明戶科左給事中邑人孟養浩進士義甫

國朝康熙四年乙巳志

主修

咸甯縣知縣何廷韜蔭生穀巷

咸甯縣訓導

胡珏舉人

纂修

長山縣縣丞邑人王為錫拔貢耐巷

參輯

邑恩貢士陳璧長瑜

邑副舉人張檄尺書

邑 恩 貢 士 唐范英耳璜

校閱

王貴錫廩膳生 闕歲貢士 沈建昌昌侯

李旭白歲貢士 東若 趙拱乾拔貢 錢有年歲貢士 蔡英

余希聖歲貢士

同校

孫可儀 鄭邦命 季立楷

胡虞賓邑庠生 孟應衡 孟佐盛增生

趙拱辰庠生 李贊中歲貢士 黃應元庠生

孫瑞業

咸甯縣志

卷首

舊修邑志姓氏

三五

同治五年丙寅志

主修

攝理 咸甯縣 陳怡附台

咸甯縣 知縣 沈寶柵輸林 栗香

纂修

前任 天門縣 教諭 陳國正舉人 恩溪

協修

候選 直隸州 判 張應樽副榜 介農

前任 寶豐縣 知縣 人 余光斗貢生 耶如

候選 訓導 吳廷選廩貢 棧生

邑 優 廩 生 何運珍 聘臣

總理採訪

咸甯 甯 甯 縣 教 諭 張 鼎 梅丞

咸甯 甯 縣 訓 導 夏應霖 兩人

校閱

國 子 監 上 舍 張慎先 穉農

邑 增 廣 生 員 劉之均 溥田

邑 庠 生 張嗣先 薛生

邑 庠 生 周命銜 南如

邑 文 童 鄭緒洸 經四

咸甯縣志

卷首

採訪

舊修邑志姓氏

三

盧允恭 郡庠生 古鴻 楊全恕 邑庠生 心如 幸太坤 邑庠生

陸寶文 邑庠生 劉德馨 邑庠生 小錦 伍兆霖 邑庠生 賦卿

鄭啓猷 孝廉 升之 葉啓忠 邑庠生 蓋臣 陳興本 廩膳生 培之

梅鳳鳴 教職 曉谷 童文樞 副榜 星帆 王汝霖 廩膳生 福農

錢振聲 太學生 振之 周繼濂 邑庠生 蓮舫 朱煥南 邑庠生 福峯

程先民 邑庠生 是齋 方景山 邑庠生 洪以芳 武舉 聲揚

張寶鏞 太學生 星樓 黃仁壽 邑庠生 靖臣 石輝玉 邑庠生 鼠

樊鳳起 廩膳生 丹池 毛鴻儀 廩膳生 材卿 章兆奎 邑庠生

胡馨 太學生 孫福田 邑庠生 陳瑞麟 邑庠生 春圃

人余作賓 邑庠生

施春華 太學生

甘鶴林 太學生

人余逢吉 郡廩生

余文品 邑庠生

萬澄清 太學生

江意揮 孝廉 指如

余華柏 邑庠生

辜黼臣 邑庠生

周承元 職員

周福元 廩膳生 理皆

王道東 邑庠生

百爰錫疇 邑庠生 壽田

袁定河 郡庠生 礪山

蘇松濤 邑庠生

董奈文偉 副榜

董鳴盛 邑庠生 竹軒

張庭輝 邑庠生 允圖

書手

闕增倫 邑人 振綱

粹人

葉桂軒 武昌人 丹丘

舊修邑志姓氏

咸甯縣志

卷首

三

咸甯志志咸甯也志成於同治丙寅五年由今壬午逆溯之才十七載耳何更庸修爲曰續修之也續修者何丙寅新志因康熙乙巳志而增輯之者也去取失當且紊次序邑之人弗善是也議改修者久矣適臺臣續修通志檄 邑侯以方志上并下采訪章程至光緒六年爲斷六年前修有新志者亦須續行采訪以昭畫一成是以有續修之舉夫志修於未修新志之時作必待述始顯志修於已修新志之後續更較創倍難曷難乎覆車猶未遠耳倘蹈前轍不慎不公不詳不實則訛未訂

咸甯縣志

卷首

啓

三

也闕未補也斟酌未當也抉擇未精也一事之差一字之貶隨之矣難一志與史同而異有褒無貶而譽過其實猶之毀掩其長新志人物卷中涇渭同流嚴之則斂怨寬之則滋議難一志以紀事亦以徵文新志藝文若傳記若詩章瑜爲瑕掩白以緇汚因仍焉弁陋貽議剛削焉才力不逮難一修志先須籌款咸連年興作隄防猶循舊例也他如社倉如衙署如奎星閣經費悉取諸民而復擾之以續志家諭戶曉庸必聽乎難一兼此數難改修之議所爲遲遲而弗果也然憚其難而不之唐續歲月遷流老成凋謝茫茫墜緒漸至失傳後縱有起

而輯之者眞贗已莫辨矣其何以成信史則何如乘此  
修之之爲得哉夫天下事不以難自阻未有不臻厥成  
者也頃者 邑侯命下詢謀僉同諏吉日開志館進

不佞等而屬之以載筆從事 不佞夙夜祇懼惟恐失墜因

思闕疑存信責在纂修而錄實釐眞事由采訪有如此  
之前功舊緒而不能立體裁勤蒐討書一事必眞紀一  
人不濫猶復因陋就簡承謬襲訛纂修者之咎也以閭  
里之習見熟聞而不能本大公之見酌至當之歸隱情  
惜已雜僞亂眞使一邑之風教湮而典章紊讀志者議  
論沸騰則采訪者之羞也豈 不佞所以自處哉豈 不佞  
所望於都人士哉敢露微忱恭疏短引維請君子匡予  
不逮共勉其難以無負 邑侯之命謹啓

# 咸甯縣志

## 卷首

啓

三十三

維咸楚淦名區野分翼軫武昌屬郡地接江蒲金城鞏  
乎四鄉延袤亘以百里其間山川秀麗人物祥符蘋溪  
傳北海之雄文潛石留稚川之仙蹟山名相嶺人傑由  
於地靈水號帶河脅流夾乎腋渚眺梅坡而念丹陽懿  
範步書臺而仰文簡元風至若孟機之清憲忠定之諫  
垣雲漢爲昭日星共耀緬懷往蹟幸際今休然玉麗山  
輝珠溜川瀾必紀載資於博物方著作協夫同文獨念  
革故伊邇稽古維艱卽家有藏書未免苔封綠字及匱  
澗方策奚由雲護金滕欲校圖章之罔闕實求文獻以

咸甯縣志

卷首

舊徵志啓

三四

可徵用詢故老傳聞無嫌夫珠遺滄海確拔先民典則  
祈合夫日燦中天藉是搜羅必悉庶幾考核宜詳類民  
牧攸寄邑宰是司技慚刻鷲才愧雕蟲適承 憲輯

王會之圖特飭郡守方輿之志采故本以續新筌於今爲  
烈索前徽以彰軼事曠古莫違時移而物未改作迹恆  
關聖明古往而今自來守待應分先後雖方言野史明  
若著占卽冢乘稗官燎如犀照凡我先達士夫崇文碩  
逸世代藏優柱秘不妨示我考求前人給有囊珍尤望  
資予采輯先型是式後學有徵夫金山淦水之區皆人  
文淵藪而鍾臺挂榜之地盡理學宗工注望同人欣懷

共事威標繡虎之心裁各擅雕龍之巧范冰紋製錦用  
能藻繪於縹緗玉屑分矧豈徒工飾於鉛槧法太青之  
紀事石室堪傳倣文毅之遺書瑯函特勒釋疑存信考  
古卽以證今就簡芟繁雜風直能訓俗方物旣多載乘  
太史具有明徵惟冀士林之編纂上備  
彤管之撰修敢布名卿聿修盛典

咸甯縣志

卷首

舊徵志序

三五

一振裘者必挈其領紀事者務提其要舊志列入綱諸目從其類附之知體要已但編次失倫今略加斟酌邑分土因而分民域民以封疆之界仍首疆域秩官居建置之後治法必需治人也食貨列學校之先既富而後加教也教化興行人文蔚起次人物次藝文猶恐有遺也拾遺綴之以雜紀終焉此志之序也

一志有序文序作者之緣起自應弁首舊志原序暨修輯姓氏仍臚列簡端俾當年首事勩事諸先達存而不泯苦心共揭云

咸甯縣志

卷首

凡例

三六

一志分類編輯冠以小序此通例也舊志諸目有序有論入綱概未題詞今有者因之間參存之缺者補之並標識之不敢因陋亦不敢掠美

一志之有表肇自腐遷舊志無之今疆域類立沿革表秩官類立秩官表學校類立封崇表且仕籍有表選舉有表徵辟保舉掾吏爲一表應例補選職銜爲一表武選封蔭各爲一表非創舉也遵一統志例也

一疆域最重輿圖自經起九道禹貢有圖後世圖象之學尙焉漢高入關鄼侯先收圖籍晉裴秀析其說爲六唐賈耽繪地圖以寸析里近世胡渭禹貢錐指用之此良

法也舊志輿圖不明其法方位錯亂水道模糊不可爲模範今按通志局頒發程式照式繪圖審定方向以水道爲經以人行路爲緯證以采訪所到分晰詳註披覽之下瞭如指掌

一疆域首紀星野天先乎地之義也舊志星野未圖星象今繪各星象圖證以漢唐宋明諸家之說星占星經星度亦類載之占驗家乃得依據

一風俗節序附諸疆域舊志風俗僅錄郡志前志數語未免簡略節序所紀今亦不盡如古所云因重加採輯風俗則增補之節序則釐正之據實直書不取浮詞

## 咸甯縣志

### 卷首

凡例

三七

一舊志建置類誤收射圃謬名秩祀今參酌釐正射圃改歸學校方合義例秩祀易名廟壇乃符綱領

一舊志食貨類載賦稅章程過于缺略今詳加蒐討參以府志通志先舊章按賦役全書註載丁隨糧派之疏附焉次今例按丁漕指掌註載折減充餉之示附焉其他起存各款津貼雜稅亦類及之編氓完納展卷了然矣

一舊志學校類載廟學規制失之紊亂今謹按次第縷晰條分先廟制凡廟中之事附焉次學制凡學中之事附焉若網在綱有條不紊

一志收藝文體例不同范至能吳郡志康對山武功志詩

文隨款附綴舊志則藝文別爲一門今遵舊志例并隸  
藝文至篇章次第去取意旨已載小序中

上論不敢襲入藝文謹列各款前合比事屬詞之意便覽者  
觸目警心

一 人物志舊載仕籍選舉各類立表而傳附之此變前志  
而改其例者也增忠義一類及孝友義行隱逸傳仍附  
人名下此承前志而沿其例者也列女先前代次本朝  
舊志採錄者分姓彙編之今志採報者分都臚列之至  
殉難婦女捐生完節殊堪悼憫附貞節之後而才媛壽  
媛賢媛亦附錄之

### 咸甯縣志

#### 卷首

凡例

三六

一 志書例有雜紀一門舊志寥寥數條所取過隘方技流  
寓又載無考更隘甚矣今間存舊文博採羣書數條下  
踵事增之外增耆壽一類紀事更名兵防庶符體例

卷之首

序文 舊序 續輯姓氏 舊姓氏 徵志啓 舊

徵志啓 凡例 目錄

卷之一 疆域

輿圖 星野 形勝 沿革 疆界 鄉里 山川

湖泉 井洞 街巷 市鎮 古蹟 墳墓 風俗

節序

卷之二 建置

城池 公署 郵傳 津梁 坊表 陂塘 壇廟

咸甯縣志

卷首

目錄

三九

寺觀

卷之三 秩官

上諭 官制 秩官表 戎廳附 名宦傳

卷之四 食貨

戶口 田賦 漕運 雜稅 倉儲 蠲賑 郵政

物產

卷之五 學校

廟圖 廟制 建修源流 廟祀位圖 封崇表

名宦祠 鄉賢祠 忠義孝弟祠 節孝祠 文忠

祠 祀儀 祭品 樂章舞譜 禮樂器圖 舞器

并圖 學制 學規 學官 學額 射圖 鄉飲  
學基 學田 書院 試院 社學

卷之六人物

仕籍 選舉 徵辟 應例 武選 封蔭 忠義  
孝友 義行 隱逸 列女

卷之七藝文

制表 奏疏 記序 說書 碑文 跋  
銘頌 賦詩

卷之八雜紀

災祥 兵防 耆壽 技藝 流寓 仙釋 金石

咸甯縣志

卷首

目錄

四

拾遺

續輯咸甯縣志卷之一

疆域 輿圖 星野 形勝 沿革 疆界 鄉里 山川 湖泉  
井洞 街巷 市鎮 古蹟 墳墓 風俗 節序

周禮形方氏掌制疆域正其封疆無有華離封域皆有

分星星土之說舊矣然非一邑所得專故地以統之地

紀輿圖猶天垂星象披覽形勝瞭如指掌邑析自沙羨

益以蒲壤祝其夾谷沿革可稽爰是畫界域民分鄉記

里名山大川用表厥鎮山下出泉川匯為湖或源或委

逝者如斯井洞幽邃市集嘈雜一寂一喧以類差次自

古在昔先民有作異蹟芳踪景仰如昨生存華屋零落

山邱墟墓生哀九原可作此外風隨土異氣以里差與

咸甯縣志

疆域卷一

輿圖

化推移因時節宜是在守土者志疆域 壬午續志補

輿圖 每方五里




威甯縣志

疆域卷一

輿圖

又二

圖說



兩山之間必有川焉禹貢導山所以兼導水也威甯西流水之

幹河曰滄川其源有二一出汝水嶺嶺與通及白崖泉西流

五里經白沙橋至雙汊港新建兩鳴水泉水自西南入焉源

常輸山與寓仙洞柏墩有茶水自南入焉源出金家灣楊

相通約十里許相流朱家橋歷高寨注蘋花溪在洪崖山下過黃茅山山上田

居民經黃鉅橋直至馬家橋河廣七八丈可通小舟划船

耕種有市集設此滄源一支也一出桃花尖北桃花李

泉茶釐分局歷源過白楊橋有僧寺名珠至三峯寺龍溪橋經鮎魚

洲小山如濯港水東入焉源出盤山經楊橋張家橋流黃鉅

橋入蘋溪至馬家橋河此淦源又一支也自是合流西折抵

潛山山半有寺馮文簡讀書處葛洪煉丹岩丹竈亦在此北出石洪泉經白接姑嫂

橋水入焉源出楊下西流小龍潭白木阪水入焉源出飛沙泉雙碑橋

至此十餘里雙嶺水自東入焉過青林北出盤泗洲下好橋水入

焉源出曾家橋經迴為茅潭南過笏山一名掃帚山洞口水入焉

源出長壽源出長壽逕至金山名淦川經縣治西北城下過西河橋折而

西北至鳳凰山為羅家渡過朱老廟經嚴家背有筆塔又折而

東南至立寨溝紫折五曲至官寨官埠赤口二水入焉官埠源出

長嶺至圍塘橋流十里至栗林老嶺橋水注之流五里至官埠

赤口一名株樹港發源九壘北流架城舖西折達新橋橫溝水注過赤土

西流至小港口過雲頂寺匯于紫潭湖有河

今廢湖以北之水入焉至白公潭北入斧頭湖以達金口各

入于江此西流水道也東流水之出樊口者其源亦有二

一由桃花尖右經祝家堰至李家巷石獺口水發源金雞山側入焉

流新橋轉至張家橋小寨口水發源桃花嶺入焉至孟家橋東西

源水二水發源大墓山合流三星橋入焉流至高橋育市集入武昌地界注於牛鼻潭

合雙溪橋水發源石川下達高家河此一支也一由石川阪出

陡石口經楊埠橋楊家阪而鹿過橋圍田水入焉出舒洪口

六齋橋水入焉源出屋舖過石門山人潘家橋流雙溪橋至楊

堡與高橋水合流以達高家河匯于東良子湖出樊口入大江此又一支也皆東流水道也外西流者汀泗橋港水一支

咸甯縣志

疆域卷一

圖說

又一

源出蒲圻洋泉厯土寨經方小壩家港水入焉源出蒲圻至汀泗

經米埠入西良湖又馬橋港水一支源出沸泉經彭陂至馬

橋亦入西良湖外東流者桃林港水一支源出桃林舖通省驛路

有烟墩迤北至黃石橋入黃塘湖又賀勝橋水一支由孟家衝

發源經冠山余花坪以北之水注焉亦入黃塘湖水道之或

源或委畢具于斯矣若東良子湖者地屬武昌與咸無涉西

北斧頭湖水面縱橫六十里許隸江夏者十之五隸嘉魚者

十之三咸約二分而已長隄屬嘉境地咸例只協修不贅境

內多山東南桃花尖為祖西北禪台山為宗其他大小高低

皆其支分者也崇岡峻嶺礙難備載至形勝古蹟與凡有名

### 咸甯縣志

### 疆域卷一

圖說

二

之山已按地里所在繪入圖中一目瞭然矣 壬午續志補

### 星野

序曰自周禮以星土辨九州之分野左氏善誣康成強

附學者疑之及觀禪竈梓慎之言靈憲法象之志因星

以辨土因分以察變未或爽也蓋地有是形天有是星

形之所凝天象昭焉在朝象官在野象物在人象事精

氣相盪無足異者咸甯古楚國江夏之域也自范蠡鬼

谷張良諸葛亮譙周京房張衡並云翼軫楚荊州江夏

人翼十二度入軫亦十二度按星官家云在天一度應

地二千九百二十三里咸分土江夏益以蒲圻延袤不

滿百里尙不足度之一分既入翼惡得兼軫哉然萬家之邑精物亦大矣雲而雨火而反風凡以令身自有之也夫郡邑之長有君道焉今之邑長古之子男則休徵戾氣豈盡不相感召耶抑亦可思也已

王志

紫微垣北斗玉衡星主楚按春秋緯北斗七星主九州大別以東至雷澤九州荆州屬衡星春秋緯文耀鉤北斗分野荆屬衡星

太微垣上台第二星主荆揚按論語摘輔象充豫屬上台荆揚屬下級

天市垣西垣第二星主楚按天文圖兩垣共二十二星

### 咸甯縣志

#### 疆域卷一

星野

又二

東垣首宋終魏西垣首韓次楚

五星熒惑主楚按漢書吳楚之疆侯在熒惑占於烏衡

星經熒惑主揚州荆州

二十八宿屬翼星按漢書楚地翼軫分野晉書江夏入

翼十二度

十二次舍屬鶉尾按周禮疏鶉尾楚也史記天官注翼

二十二星軫四星皆爲鶉尾在吳楚之分於辰在巳攷

左傳襄公二十八年歲淫於元枵神竈知楚子將盡且

曰歲棄其次而旅于明年之次以害烏祭周楚惡之鳥

鶉尾也故鶉尾屬楚

王志

按星野之說伍志小序略已王志增之益以三垣五星二十八宿十二次舍而亦未詳古者天官之學不下數十家各主一說言人人殊以今授時厯量天尺校之星度又變歲差故耳歐陽子作五代史書人不書天其旨微矣然我咸文簡之生天禧五年德星入翼十二度至皇祐元年祥雲繞華蓋星文簡大魁天下天人之應如桴鼓然終不敢謂古說盡可廢也爰圖星象并存諸說星占亦附載焉以俟鏡機之士 壬午續志補


咸甯縣志

疆域卷一

星野

三

南 方 朱 烏



黃帝分星

自張十八度至軫十一度為楚分

西漢志

翼軫楚分野今南郡江夏皆楚分

費直周易

起張十三度至軫七度荆州分

班固三統

自張十七度至軫十一度為鶉尾於辰在巳分野屬荆州

蔡邕月令

章句 起張十二度至軫六度謂之鶉尾

陳卓郡國


躔次 自張十七度至軫十一度楚分

皇甫謐世

紀 自張十八度至軫十一度于辰在巳今楚分野

分野


七宿總圖



咸甯縣志

疆域卷一

翼宿圖



東甌五星今  
儀象志無  
東甌  
三  
四  
五  
二

唐書天文志

翼軫鶉尾也起張十  
五度至軫九度

唐一行大衍歷

翼軫鶉尾也初張  
十五度餘千七百

九十五度終  
太中翼十二度終  
軫九度

明大統歷

自張十七度至軫十一  
度為楚分

欽定明史天文志

自張十六度至  
軫九度鶉尾之  
次湖北武昌府  
軫軫分

星野

四

星經

翼凡十八度一說十六度七十五分  
四尺為黃道

晉天文志

翼軫楚荆州江夏  
人翼十二度

漢史記

翼為羽翻主遠客國翼二  
十二星為天樂府又主夷

狄占明大禮樂興四夷服  
徙則天子舉兵以伐亂者

考要云

翼主太微三公化道文籍  
此皆甘氏之說若張衡諸  
志大略與太史公同

正義云

翼二十二星合軫七  
星皆為鶉尾楚分野

星經

星字子鶉尾荆域有變  
黑雲氣貫翼軫主荆楚

水







紫微垣天極星定分野度數圖



楊泉物理論北極天

南為太陽  
極北為太  
陰

元史鄂州山地三十

明史湖廣北極出地  
三十一度

咸甯縣志

疆域卷二

星野

八

形勝

金山橫其前紫潭匯其後左連昌國右接蒲葦達黔粵  
 之要途為武鄂之前屏檣鐘臺白望排左堆青紫潭黃  
 塘右眺搔靄何延靜鄂渚上游控扼險阻銅鼓山稱雄  
 峙宿曹湖作寨溝脊齒輔車實相倚賴志金山淦水之  
 地鞏乎四鄉通南有銅鼓堤西有成山寨明史

論曰吳子對文侯曰在德不在險矧咸無險可恃也

西南幾萬里道必由咸咸疲邑也要在司邑者調停  
 郵貨申設遞所以蘇其困仁義以為金湯忠信以為

甲冑而又本之以浴德則民安盜息桴鼓不聞詎非

屹然真形勝哉 王志

沿革

咸在禹服為荆史記鸞熊子事文王其孫熊繹事成王

繹孫渠甚得江漢民伐庸蕩粵至於鄂封中子紅為鄂

王按鄂故城在今武昌縣非今日省會漢置江夏郡領縣十四黃祖始子

沙羨置邑伍志邑作屯又名夏口成在江北時江南無夏口為重鎮移守此以拒吳在今漢陽縣北七里祖為

江夏太守治沙羨者特僑置之耳舊志指為是邑者謬

吳置武昌郡晉咸和中立汝南郡南北朝為郢州為北

新州隋為鄂州唐天寶仍為江夏大厯三年割金城豐

樂宣化三鄉置鎮吳乾貞三年改為永安場南唐保大

咸甯縣志

疆域卷一

沿革

九

十三年十三亦始升為永安縣宋景德四年舊志云開寶初恐誤

改為咸甯縣屬鄂州哲宗元祐元年又割蒲圻長樂鄉

以益之元屬武昌路明改路為府咸甯屬焉

國朝因之編戶一十六里

史通論史氏流別有十九曰地理杜君卿曰言地理者

在辨區域徵因革知要害此述作之大凡也而沿革最

難實沈主晉爽鳩國齊惟博物君子能道之溯咸所由

來禹貢曰荆春秋進楚地屬沙羨名易永安府志伍志

互有得失爰訂其譌誤起唐虞至

國朝按歷代史志及通志參以江夏志次第註之遵

大清一統志列表於左亦古人左圖右史意也後之覽者可

以了然矣志沿革 壬午續志補

沿革表

唐

洪水平肇十有二州屬  
荊州地

虞

地仍屬荆

夏

禹受命以十二州為  
九州地仍屬荆

商

詩維汝荆楚屬楚地

周

分天下為十二州周禮  
職方氏正南曰荊州周  
夷王時楚薳梁封其中  
子延為鄂王始名鄂鄂  
玉城在武昌縣咸邑亦  
隸鄂

秦

始皇二十三年虜荆王  
分楚地為四郡江南屬  
南郡咸隸南郡

漢

高祖六年置沙雲縣屬  
江夏郡前漢書地理志  
江夏郡領縣十四次九  
沙雲時咸甯未設地屬  
沙雲

東漢

區仍屬沙雲按黃祖為  
江夏太守晉邑沙雲考  
水經注云沔左有卻月  
城乃沙雲縣治在漢陽  
縣北七里祖僑置之江  
北以拒吳按張平四年  
孫策擊黃祖軍至沙  
雲當置在是舊志引誤

咸甯縣志

疆域卷一

沿革表

三國吳

漢興平二十年權領  
荊州江夏郡屬權權所  
江夏東境沙雲等縣屬  
武昌郡南武昌縣沙  
雲時屬武昌惟魏黃初  
二年吳於鄂涪築城取  
對岸夏口之名治沙雲  
後又有沙雲西兩境置  
蒲圻縣咸仍屬沙雲

晉

武帝太康元年平吳析  
沙雲西南境置沙雲縣  
即舊邑又為沙陽按晉  
書地理志武昌縣屬七  
五曰沙雲六曰沙陽七  
二縣也水經注沙陽  
縣治本江夏之沙雲是  
更沙雲為沙陽祇一縣  
也非是定又析沙雲西境  
益蒲圻時蒲葉有感地

東晉

成帝咸和中以汝南民  
流寓夏口僑立汝南郡  
治塗口今名金口即古  
沙雲太元三年為汝南  
縣省沙雲之時咸又  
為汝南矣

南朝宋

武帝孝建元年置鄂州  
移江夏郡治今黃鵠山  
有鄂城遺址咸此時屬  
鄂州

南齊

移鄂治沙陽

梁陳

分鄂州置北新州復於  
沙陽置沙州陳因之

隋

開皇初平陳州廢江夏  
郡為鄂州改汝南曰江  
夏縣江夏名邑始此仍  
治塗口開皇中移今江

唐

武德四年仍為鄂州委夏  
初改曰江夏大曆三年  
割立城豐樂堂化三鄉  
置永安鎮明史至唐於

夏治時江夏兼咸甯 江夏南境置永安縣

五代

宋

元

明

吳行密乾貞辛亥改為永安場南唐保大三年即以江夏南境置永安縣隸鄂州景豐字記

景德四年避永安陵名改為咸甯縣哲宗元祐元年又割蒲圻長樂鄉以益之

改州為路至元置鄂州路去德中改武昌路統七縣咸甯其一

改路為府太祖甲辰年二月改為武昌府領州一縣九次三咸甯

國朝

仍之下字避

宣宗廟諱遵奉

諭旨改作寧咸豐初

又改作甯

疆界

東西廣八十里南北六十里延袤一百里

咸甯縣志

疆域卷一

沿革表

十一

東行小路五十里至大塘凹本縣上五都抵興國州界

西行舖路三十里至汀泗橋抵蒲圻縣界

南行小官路五十里至浚水嶺抵通山縣界

北行舖路四十五里至賀勝橋抵江夏縣界

東至興國州 距三百里

西至蒲圻縣 治一百里

南至通山縣 治九十里

北至本府小 紙坊一百八十里東湖街大路二百四

十里

東北至武昌

治二百四十五

西南至崇陽縣治一百二十里

西北至嘉魚縣治一百四十里

水路至南京二千三十里陸路一千七百一十五里

水路至北京五千四百七十五里陸路三千零六十里

水路由谷頭湖出口口至本府三百里

論曰傳曰國無小不可易也千里專城百里應宿所謂其地足容其民足守者矣咸雖小且瘠豈有裔民哉長吏者時其疾苦而噢咻之廣狹可無問也伍志

鄉

金城鄉

宣化鄉

豐樂鄉

長樂鄉

# 咸甯縣志

## 疆域卷一

疆界鄉里

十二

都

一都 金城鄉

二都 金城鄉

三都 金城鄉

四都 豐樂鄉

五都 豐樂鄉

下五都 宣化鄉

六都 金城鄉

上七都 宣化鄉

下七都 宣化鄉

八都 宣化鄉

九都 豐樂鄉

十都 長樂鄉

上十一都 長樂鄉

十二都 金城鄉

上十三都 長樂鄉

下十三都 長樂鄉

論曰古者萬二千五百人為鄉咸之有四鄉也其古制歟曰非也特紀其鄉土之名焉耳金城宣化豐樂

三鄉割之江夏西偏者也長樂一鄉益以蒲圻東偏

者也合四鄉爲邑析每鄉爲四都都十有六都亦里之名非周禮之四縣爲都也秦制十里一亭十亭一鄉漢以鄉屬縣迄宋明因之又按唐九州志一萬戶以上爲望縣七千戶以上爲緊縣五千戶以上爲下縣今咸十戶爲一甲十甲爲一里十有六里計戶僅當下縣三之一茲非邑之最小者歟

伍志

### 山川

相山 在縣治東南數百步與儒學相對宋參知政事馮京讀書其上故名其下舊有相山書院今廢

東皋山

一名東高

在縣東城外與相山并峙爲一邑之

## 咸甯縣志

### 疆域卷一

山川

十三

鎮臨眺則湖光山色宛在襟帶間晉孟嘉嘗游焉明知縣陳灝建亭其上康熙年間知縣何廷韜修今廢

白望山

在縣東南六十里望極江夏白湖故名

金山 在縣南二百步與天馬山接晉善輝禪師住錫夜有光如燈至曉乃散一名金燈山山之陽爲金山寺後遷城內名資福寺遂以遺址爲山川壇順治初禪僧如是圓寂有塔今廢

天馬山

去城半里其麓建金燈閣爲明孝廉孟應乾

讀書處閣廢

鳳凰山

在縣西三里以形名

熨斗山 在縣西四里俗名風火斗卽通志云鉛錒山

笏山 在縣南五里巍峯卓立自應宿樓望之秀聳天

際爲縣治外案笏插青雲 俗名掃帚山

鷄子山 有二一在縣南十里山嘗有鷄潔如玉飲啄

林際各玉雞林訛爲玉岐林明隱士孟養蒙築方閣

堂於其下又一在縣東四十里

埜山 在縣東三里山勢連互開屏列嶂爲縣龍少祖

龜山 在縣東四里其形似龜

浮山 在縣東八里卓峙塘中若浮故名各湖山上有

太子祠其神無考歲早禱雨輒應

### 咸甯縣志

#### 疆域卷二

山川

十四

潛山 在縣南二十里形如展旗上有壇相傳葛洪煉

丹處入古蹟卷

桃花尖山 在縣東六十里高出萬峯卽鐘臺山 入

古蹟卷

金鷄山 在縣東南五十里高數十丈頂有巨石上有

窟如碗者二可受二升清水四時不涸疾人飲之輒

愈取水旣盡頃復如故鄉民建廟名金鷄寺廢址存

金城山

大墓山 在六都東原爲咸興分界世傳唐李靖母墓

在焉上有三十六峯峯下靈泉禱雨有應 一云真

人張道清母墓人犯之則致風雷

輞山 在縣東四十里突起平陽聳秀圓曲如車輞一石宛若神駿上有祠明末賊兵犯境王暉父子三人率鄉兵禦之阻河爲固獲勝一方得全土人德之因祠其上并名橋爲賀勝以誌功焉下有古雲菴明孟司農讀書之所

石門山 在縣東四十里石門天成行人往來其間香爐山 在縣東四十五里以形名其陰有泉港寺黃牛山 在縣東二十里下爲元解元胡可仕舊宅阮家尖山 在縣東四十里

### 咸甯縣志

#### 疆域卷一

山川

十五

銅鼓尖山 在縣東南二都雄峙峭立紅巾之亂土人避其上賊不能窺下有張口泉一名廖家泉

黃茅山 在縣南三十五里上有膏腴田地居民耕種其利甚溥

橫山 在縣南三十里山橫而秀故名

尖山 在縣南十五里

小尖山 在縣西南二十五里

禪臺山 在縣南三十里其形峭直上三里許有地平坦僧寺在焉傍有天泉四時不竭胡理齋集云泉水

日一潮落旁有石碗昔傳水潮入碗則凝爲鹽足供

寺僧一日之食俗僧鑿之使多遂不復出泉中有蒲  
草人動草則水縮僧以香茶滲之水復出

掛榜山卽洪崖山相傳爲洪崖煉丹處在十二都崖壁

峭削方疊橫亘如榜每大比之年崖石崩則應科第

龍溪山 在二都縣南三十五里一名龍泉山山半有

洞投石響音丁東半晌方寂山西麓有潮水洪水潮

如海信水色如江水山之陽有張王廟文昌閣咸豐

八年里人劉大建募建

馬鞍山 在縣南二都下有泉水夏冷冬溫

五峯尖山 在縣南二都由龍溪歷馬鞍穿田過峽突

# 咸甯縣志

## 疆域卷一

山川

十六

起五峯中峯最高形如頓鼓名峯鼓尖下有女生錢

旭齋母墓

架上金盆山 在縣東南二十里山前有崇福寺

川字峽 在二都石川畝以此名石峽三直如楷書然

眠弓山 在下十三都縣南十五里形如弓眠與潛山

相對石洪水出兩山之麓

斧尖山 在縣北三十里其狀類斧又名斧頭山

牛鼻山 在縣東八十里以形似名山下有潭深百尺

四面青蘿綠竹可觀

黃山寨 在六都小寨畝昔人避亂於此

棠梨山 在縣南三十五里上有仙人跡

金龍尖山 在十二都去縣東南五十里有金龍洞

常輪山 在十二都其下為萬仙洞

石子嶺 在縣北十五里上七都

紫山 在縣北二十里

石獺山 在六都有巨石如獺蹲踞故名

鶴巢山 在上十一都大橋如鶴形上有進士唐時舉

坵壠書院

鳳凰山 在六都上有鳳凰寺今廢

仙人墩 在三都上有仙人跡

### 咸甯縣志

疆域卷一

山川

七

碧泉山 在四都有龍池四時不涸海龍寺在其下

梓山 在下七都上有龍王廟廟前一山名駝山明推

官余良佐墓在焉

石屋山 在上十三都去縣南二十里崖下凹折深敞

如屋几榻俱存可蔽風雨

長嶺 在縣東二十五里官埠港發源于此

雙嶺 在縣南十里一嶺至浮山一嶺至小龍潭

噴水山 在潛山右水出石壁如瀑布然八景之一

實竹嶺 在縣東四十里產竹中實

石鼓嶺 在縣西三里有石如鼓舊有白雲寺今廢

梅花山 在二都秀而高聳下爲明經邵水源住宅

土寨嶺 最高南下蒲之洋泉暇通蒲崇大路

蓮河嶺 在縣西南五十里接宗陽縣地界

泉洪嶺 山有廟界蒲亦崇路出入

浚水嶺 在縣東南五十里接通山縣界

苦竹嶺 在縣西南五十里與崇陽縣分界

朱潭腦 在縣西北河朱老廟後元末縣署爲紅巾賊

所燬遷治於此遺基尙存明甲辰仍遷舊治

李基腦 在縣東三都去縣三十里

旗鼓腦 在縣南十五里相傳爲曹操治兵處

咸甯縣志

疆域卷一

山川

六

銅盤堤 一名銅鼓堤在縣南四十里堤有四門各廣

二丈古蠻獠保聚於此今名銅門城

撥雲臺 在上十一都有寺

望親臺 在十二都富仙洞嶺上周子雨野鑿親之處

水港

咸之水其經流曰淦川支流曰官埠港赤口港北洪

港皆從淦水匯爲紫潭曰馬橋河汀泗河出西長湖

曰桃林港賀勝橋河入黃塘湖而與紫潭諸水濬於

谷頭湖通金口入於江在東境者曰東水東北入武

昌高家河出樊口入於江

西河淦水

淦文從金從水以邑有金山而河水經馬故名說文水入船中爲淦於義無取

其源有二

一出淦水嶺及白崖泉數里至白沙橋

西北流與鳴水泉合流而爲雙汊港過洪崖山名嶺

花溪至於高寨一出桃花尖之桃花泉過白楊橋

歷三峯寺經銀魚洲濯港水入焉雙溪合流出黃鉅

橋與黃溪合至馬家橋西折抵潛山溫泉入焉北出

爲石洪名大龍潭經白茶畝西流爲小龍潭白水畝

水入焉過青林北出爲盤洲洲下好橋水入焉迴爲

茅潭南過鬚帶山北出洞口至金山名淦川爲西河

渡經縣治西北城下有洲曰游龍灘曰洗馬潭曰浸

# 咸甯縣志

## 疆域卷一

山川

九

水又折而西北至鳳凰山下爲羅家渡過朱老廟又

折而東南至縣治後名立寨溝復東西縈折如帶五

曲至志曰寨官埠赤口二水入焉爲小港口過雲頂寺

乃匯爲紫潭湖湖以北之水入焉至白公潭北入於

谷頭湖

官埠港

發源長嶺北流三里至團塘橋五里至王大

人橋七里至鼓樓橋四里至官埠橋下達官船渡與

赤口港合西流至張沙渡達官寨入於淦水

赤口港

一名赤土港一名株樹港發源九嶼北流至

架城舖西折達新橋橫溝水入焉過赤土塢至官船

渡與官埠港水合

北洪港 發源長壽畝西出平家橋北流至北洪橋迤  
邇歷商家礮王家橋北入紫潭湖

馬橋港 發源沸泉出彭陂至馬橋西北流入西良湖  
白楊港 自桃花泉發源經盤源歷龍塘三峯寺至黃

鉅橋與蘋溪合

濯港 發源盤山經楊橋張家橋過銀魚洲與白楊港  
合名雙溪流入黃鉅橋至蘋溪

聶家港 西接蒲南通崇大路北流達汀泗橋

汀泗橋港 發源洋泉歷土寨經方小與蒲圻水合流

咸甯縣志

疆域卷一

山川

二十

過汀泗橋至米埠西北入西良湖

桃林港 出桃林舖迤北至黃石橋北入於黃塘湖

赤金港 在上七都出魚之處流入紫潭湖

賀勝橋港 由孟家衝發源經冠山流入黃塘湖

東水 水有二 一發源石坑出黃牛山陡石口至楊

湖橋經團田畝出舒鐵口過石門山東流入武昌高

家河 一出桃花尖之陰過金鷄山至祝家橋下流

與石碗小竇畝水合流歷游家橋東北入武昌大港

達高家河匯於東良子湖出樊口入於江

湖滸

宿曹湖 在立寨溝北曹操宿兵於此因名居縣治之

後一口後湖又曰咸甯湖下與紫潭湖連塗水塗水  
紫帶其中夏秋水漲儼然巨浸

紫潭湖 在雲頂寺左潭水甚深大旱不涸塗水所經

向河泊所在焉今廢

關陽湖 在十都東

香庠湖 在十都彭家嘴對面

谷口湖 與關陽湖接中有洲渚鳧鴈聚焉

天井湖 在七都北與江夏連界中有五泉龍多蟄其

中旱可取水禱雨其東爲泉水湖又東爲黃塘湖

### 咸甯縣志

#### 疆域卷一

山川 湖瀆

二十一

西良湖 與蒲嘉連界中有倪家泉歲旱巫者每投入

深淵探泉穴取水焉東接塗水北會釜頭湖

通志

泉水湖 在下七都隆萬間其水日兩潮至夏青橋與

海信無異

宮潭湖 在縣東北

黃塘湖 在縣東北三十里接江夏界

浸木潭 在縣治北三里

大龍潭 在縣南十里卽石洪舊有廟祀吳主

小龍潭 在縣南八里舊有廟祀龍王歲旱禱雨

白公潭 在縣北二十五里與谷頭湖連界

茅潭 在縣南三里

牛鼻潭 在縣東八十里牛鼻山下

泉

按爾雅水本曰源源曰泉易蒙之山下出泉詩公劉之觀其流泉泉固所在多有咸多崇山峻嶺泉出一今姑紀其河流所出者耳 任志

蘆芴泉 在縣東南二十里相傳邑苦旱禱雨方擇所

向忽遇三白衣童子曰本縣高棧山石晶嶺有泉可禱叢蘆爲識如其言禱之果得雨按伍志云在縣西南五里今洞口內有泉仍名蘆芴此云東南二十里

### 咸甯縣志

#### 疆域卷一

泉洞并

二五

待攷 府志作蘆花泉

溫泉 在潛山麓其水如湯浴之可愈病有硫黃氣孟

佐盛有記

三十六人泉 在縣南六十里相傳三十六人祈雨救

旱泉水忽湧山雲並興片時遂得甘霖故名

沉泉 在縣西五十里源出蒲圻境入縣界數里下注

大石竇中聲如萬鼓遂伏流不見

飛沙洞泉 在縣南四十里水出白木畷洞口有仰山

廟龍王廟鄉人遇旱禱雨輒應僧指宗修靜處詳仙

釋

銀魚泉 在六都常收畝之南龜山下泉從山下石穴中流出能沃田數百餘頃無憂歲旱故有常收畝之名每天晴見有銀魚從石穴躍出取之忽不見天雨則無

鳴水泉 在縣南五十里與窩仙洞相通水從洞出怒濤齒石色黃而赤說者謂其源通江瀑聲潺湲流入雙汊港

黃沙泉 在上十一都棠棣尖東邊山腰其水夏冷冬溫逢旱有禱必應

白巖泉 在縣南四十里爲西河之源

### 咸甯縣志

#### 疆域卷一

泉洞井

二十三

桃花泉 在縣東南五十里流出黃鉅橋入頰溪亦爲西河之源

黃柏泉 在縣東南三十里

沸泉 在縣西南二十五里流爲馬橋河

伍志云十五里

大泉小泉 在縣東南苦竹嶺下六都茅橋畝亦有大小二泉

蔣師泉 在縣南二十五里旱可取水

廖家泉 在縣南四十里一名張口泉

石燕泉 在縣東四十里詳石龜洞

九龍洞 在縣南三十五里常輪山下舊名寓仙懸暑  
峭壁既入洞門高廣有龍王祠久廢洞傍有門門內  
深黑高低莫測束炬行二里上有白石若幕滴乳結  
成龍蛇狀水洑洑出其口下有石盆盛之寒氣襲人  
六月如冬明宣德甲寅知縣上官儀率眾禱雨有應  
正德己卯夏旱都御史吳廷舉賑湖南駐節縣城率  
官民詣洞爲文以告雨如注仍命鑿石爲龍象祠龍  
王於此更今名洞前稅有千手塔

石屋洞

在六都黃山寨背後陡起懸崖內若屋然最

深處一洞甚幽暗秉燭入者莫窮其深或有獲古磁

咸甯縣志

疆域卷一

泉洞并

二十四

古銅等物者殆昔人曾避亂者歟

石龜洞

在黃茅山下洞門甚狹入則寬平有石盆石

床又有石如龍首水自口吐出石盆禱雨得石龜者

驗今名石燕洞

壽龜洞在六都小坑洞口突起石龜高四尺許上有石

若龍蛇水從口滴龜背如涎沫洞內石如琴牀書几

高者望若遂閣層樓有泉甘如醴冬溫夏冷土人云

飲能益壽昔有仙去者春秋佳日逸士騷人率多觴

詠其中若別有天地焉舊名二靈洞

白崖洞

在十二都深窅莫窮歲旱禱雨有應

蔣師洞 在上十三都洞門凹折入數十武豁然宏敞  
一水內流窅不可測崇禎末男婦避寇其中數萬計  
賊攻不克其上爲黑山砦

金龍洞 在金龍山半入數武石間隔之人不能越彼  
岸有柳眠生爲橋以渡內列石田溝膝皆具巖石險  
仄相傳古仙七人修煉其中白日冲舉丹池存焉明  
崇禎間道人一微棲此詳仙釋

和尚洞 在六都小賽畷石羊城山下相傳有掌寶和  
尚結菴洞口後不知所終菴亦尋廢洞甚幽奇多怪  
石闕處可佈數席暑天野老樵夫多息陰於此上有  
咸甯縣志 疆域卷一 泉洞井 二十五

經臺前明後暗洞近有甘泉流入前溪溪由鐘臺山  
分派來委蛇出武昌縣樊口孝廉章蘭室有五言律  
紀其勝詩云客已西天去名猶此地傳經臺懸怪石  
梵宇汨甘泉蝌蚪文俱古龜蛇蹟亦仙洞壁有蝌蚪  
文龜蛇迹

遺踪留小賽知歷幾千年附記入景小賽羊城晚照 西  
嶺晴嵐 龜山滴翠 火豔流霞 茅橋晚釣 柳

灣夜月 甘泉飲犢 僧洞眠樵卽和尚洞

桃花洞 在縣東南六十里鐘臺山上李北海讀書處  
響洞 在二都龍溪山腰投石則聲丁東半晌方寂

義井 在縣治東相傳昔有人掘地得泉以濟行人  
桃花井

文昌閣左井 在園內

文昌閣右井 在考棚東號舍內相傳 文昌閣係鴈

地二井卽鴈目云

五通井 在黃家巷 打狗井 在潛山右世傳爲馮文  
簡打狗處井水味甘

淦川井 在五顯巷

儒學井 在啟聖宮前

大街井 在申明亭前

別俗井 在資福寺內其水甚甘異於他井

### 咸甯縣志

#### 疆域卷一

泉洞井

二十六

皂袍井 在橫街西此水獨宜染色白衣澣之則淄白

米煮之則赤有記載藝文

利民井 在縣驛西側

槐花井 在殺雞巷側

金雞井 在金雞山

論曰國語云山之爲言宣也含澤布氣調五神也易

云潤萬物者莫潤乎水夫水出於山其源一也吾邑

依山阻水層巖競秀盡列東南而西北諸川匯爲巨

浸嶺與洞皆山也港與泉與井皆水也鐘臺作祖頓

起黃鶴鳳凰金口由淦水得名遂成江漢斯一鄂渚

之大觀也夫地紀既章人文斯賁名卿詰輔毓秀鍾靈不可誣也騷人才士孖奇揆藻得山川之助爲多生其間者無徒嗜奇選勝負此山川云參王志

街街

中街 一名快手營其南名青雲門

前街

後街

橫街

小街 俗名施家溝

黃家巷 在後街

五顯巷

在東街見角塘前因同治丙寅夏寇營勇變陸錢兩姓殉節於此更名雙烈巷傳載藝文

求豐巷

在三元橋側

殺雞巷

虔樹巷

在縣前街伍志有皮樹巷或即此巷

社稷巷

一名姜家巷在馬驛廟傍

### 咸甯縣志

### 疆域卷一

街街鎮市

石壇巷

在北門雲路祠前

屠鐵巷

冷舖巷

在市西富庶橋側

鎮市

官埠橋 東去縣十里

橫溝橋 東去縣十九里

汀泗橋

西去縣三十里蒲圻界

馬家橋 東南去縣二十里

中橋

東去縣五十里武昌界

賀勝橋

東北去縣四十五里江夏界

黃石橋

東北去縣三十里爲容舟聚泊之所

茅屋墩

東北去縣十里爲容舟聚泊之所

論曰置都立邑必有街市街者四通之衢市者貨物之聚街者出入之便徑也咸雖小亦有闔闐以通交易爲政者體通商之意明治市之法無重徵以致其

難有寬恤以便其用則商賈願藏而王化行矣

古蹟 墳墓附

序曰人物之英皆川陵之秀也世代雖殊而紀載必備詩云高山仰止景行行止雖不能至心向往之彼鍾臺以北海名潛山以文簡著金光之所蛻化洪崖抱朴之所歸真名卿碩士之所游息鄒湛所謂聞望當與此山並傳者非耶乃陵谷滄桑浮沉靡定荒煙蔓草變幻不常欲訪其遺事而故老已湮舊章散佚矣徒穆然於山阿水湄低徊留之不能去雖然山川以人重者也士苟抗心希古德立名成後之視今不

咸甯縣志

疆域卷一

古蹟

墳墓附

二十六

猶今之視昔耶

鐘臺山 在縣東南六十里卽桃花尖山省龍縣龍俱

此山發脈一名泰山永嘉元年洪水鐘自山流出又

名鐘山下有桃花泉上有桃花洞有修靜寺香北海

讀書處石室猶存山頂有石臺石鐘鐘磬自鳴又有

搗藥石杵白泉水甘潔里人用以造茶白桃花絕品

胡理齋集云李渤兄弟亦嘗隱此

讀書臺 在相山傍宋馮京讀書處有碑

潛山 在下十三都宋馮京弱冠讀書其上著有潛山

碑唐李侯記嘗偶與同人戲竊潛山寺僧犬僧訟之

令一見知其非常人謂曰汝作偷狗賦佳卽貫汝公  
援筆立就中有警句云團飯引來喜掉續貂之尾索  
絢牽去驚回顧兔之頭令擊節歎嘗筵之上座曰此  
雕龍才當大魁天下明年果首選令可謂冰鑒志佚  
其名惜哉公未遇時詩有豐年足酒容身易世路無  
媒着脚難琴彈夜月龍魂冷劍擊西風鬼膽麤之句  
贈炙人口皆得之潛山云公登第後築精舍於寺右  
置像其中後里人周鼎文修像建龕買田立碑邑廩  
生唐以淵記之碑現在寺明侍郎通山朱廷立亦讀  
書寺中著有兩崖集附載潛山八景 書臺夜月

# 咸甯縣志

## 疆域卷一

古蹟 墳墓附

二十九

丹竈晴嵐

溫泉沸波

石洪飛渡

蘋溪烟雨

瀑布騰聲

龍潭柳色

狗井松濤

葛仙巖

在潛山腰詳仙釋葛洪傳

蘋花溪

在洪崖山之下昔洪崖先生煉丹其中嘗有

老姥采蘋於此問之曰吾鮑姑也忽不見附蘋溪八

景

東高晚望

西河暮興

石嶺樵歌

梓潭漁

唱

相嶺晴嵐

溫泉虹影

潛崖丹竈

古道蒼

松

所援之景皆縣城之境不知蘋溪在洪崖山以

下也

金蓮池

在相山下卽馮樞密居第遺址馮以太子少

師致仕池中植蓮因以爲號今廢爲儒學稻田

成山古寨 在縣西五里周迴十餘里可容數千人四面壁削惟一徑可入宋建炎間民聚糧保守賊不能窺 按通志載劉成山寨一名成山古寨大約山因人名

永安樓

在護城堤上知縣周曰庠建康熙四年知縣

何廷翰重建今廢址存孟養活題聯云高閣俯平川

聽菱歌漁笛起滄波冷冷身世憑虛後樂先憂鄂渚

樓臺思范老新堤環曲沼見樹色煙光迷遠眺歷歷

溪山罨畫淡粧濃抹西湖楊柳羨蘇公 又趙邦柱

# 咸甯縣志

## 疆域卷一

古蹟 墳墓附 三十

題聯云飛閣嶙峋引曲岸修堤際日摩空遙瞻砥柱  
千尋井邑陰陰保障崇臺崒嶂擁重湖疊嶺含烟  
吐靄平連水天一碧郊坵鬱鬱壯奇觀

筆峯塔

在北門外四里許羅家渡北巖家嘴舊有塔

久圯道光戊戌年夏憇亭方伯令咸時勸捐重建旁  
構夏屋教諭單懋德記起憇亭訓導胡璧華記俱載

藝文附淦川八景

書臺月色

鬻泮金蓮

福利

曉鐘

西河漁火

東皋樵歌

北郊堤柳

長湖

烟雨

相嶺閒雲

朱竹垞太史云自宋迪有瀟湘八景之傳後之作志

者無論何地遂靡不有八景存焉甚哉世俗之附會也通志府志不錄八景誠爲有識然邑先達藉作風雅之助題咏甚多徑抹殺之則後之觀者亦靡所據依矣附古蹟之後以備參攷

墳墓附

宋樞密使參知政事文簡公馮京墓 在鳳凰山下去縣三里今蕪沒或曰江夏靈溪鄉有馮樞密墓又據馮譜墓在大治縣南三十里港塘名拜相山南北俱產辰砂公及夫人同塋二世殯左右左日山爲龍下有飛仙觀右月山爲虎下有宣政殿案山有龍隱洞

# 咸甯縣志

## 疆域卷一

墳墓附

三十一

散花莊散花寺其齋在咸守廟祀在治守墓祭云

采忠臣朝奉大夫都水監使陳求道墓 在蒲圻輿陂

畝教諭黎公弁因旱禱墓下有應 按蒲圻志載陳墓

在縣東二四都輿陂舊志今石坑團徐氏牆屋內道

光十六年知縣勞光泰勘明墜界詳府

元王曄墓 在縣南山

王朝卿墓 在十二都宋襄敏公韶之孫曄之子捍

寇有功元朝列大夫張術撰碑文按王謁字朝卿爲

樞密副使生於龍口葬於白沙其後裔猶能言之

翰林學士李鵬翔墓 在黃板橋

明工部尚書劉維墓 在東山麓

奉政大夫四川右布政使李祥墓 在下好橋

江西行中書省叅議李廣墓 在黃岡畝

贈文林郎監察御史方嵩墓 在金山後

資政大夫都察院右都御史陳智墓 原葬官埠橋

後賜葬祭改坐上好橋山吏部尚書王公為撰墓表

文林郎監察御史方洙墓 在十二都白沙灣月山

北京都水清吏司郎中王煥墓 在一都梅家嘴

通議大夫南京戶部右侍郎孟養浩墓 在茅壇奉

賜葬祭刑部尚書蘇茂相為撰墓誌後改葬於下十

# 咸甯縣志

## 疆域卷一

墳墓附

三十二

三都學堂畝中墓前翁仲猶存裔孫世居墓側

奉政大夫通政司叅議趙邦柱墓 在馬橋烈馬山

中憲大夫四川南道副使趙嗣芳墓 在茅壇孟

墓左

孝廉李玉墓 在躍馬橋山莊祠前

孝子劉從鳳墓 在上五都

孝子楊遇春墓 在二都

明解元王倫墓 在十都故宅五里許竹梅坡

倫讀石書處

側

明廣西桂林府推官崇祀鄉賢余良佐墓 在下七都

梓山對面之駝山

贈文林郎錢珊之妻余孺人墓 孺人推官余良佐  
女墓在二都梅花山下側船山

論曰墓者人之終也諸君子先朝名臣閒氣攸鍾或  
執朝政或衛國本或掌邦憲或分鎖鑰或殉節捍難  
俱行成名立而終矣顧百年坵隴漸就蕪沒化長松  
之千尺藏狐貉與魍魎牧豎樵子槩刈其上亦誰復  
知泉下人豐功偉節有如此耶志諸邑乘無替厥美  
附 百鳥護葬之墓

萬曆中民黃美金每於冬雪煮食以飼饑鳥後夫婦

咸甯縣志

疆域卷一

墳墓附

風俗

三十三

無疾同卒羣鳥遠宅徹夜哀鳴及葬萬鳥繞柳盤飛  
復前導如鴈行至塋墳翠滿穴葬畢聚塚數日乃散  
歲時仍飛集塚上鄉人刻石紀異焉墓在金山嶺孫  
應鉉應元等俱庠士

風俗 節序附

火耕水耨民食魚稻故嵒窳偷生而無積聚

漢班固地理志

人多勁悍決烈

隋地理志通志亦云

鄂俗計利而尚鬼病者不

藥而聽命於巫

宋劉清之傳

火耕水耨魚稻爲業猶有楚

之遺風 郡志 居民漁稻爲業無商賈利欲之誘無奢

侈浮僞之習 伍志 土瘠民貧俗尙商賈家絃戶誦土

民風

俗尚質樸不事奢侈敦本力農以積財置產為務近  
逐末者多競尚華靡惟詩禮之家尚敦古處而式先

民

士風

小兒始受句讀必避閏年恐其滯鈍而不利達富者  
延師家塾曰專館寒士負笈從遊曰明館前輩最重  
經術謹守繩墨近花樣不同漸就時趨競功名重氣  
節束修自愛常抱隕誦之恥趨炎附勢人咸嗤之

咸甯縣志

疆域卷一

風俗

三十四

商賈

山多田少人滿於土不願工作多事貿遷查邑鄉鎮  
除典質外本薄利微非長袖善舞者也若漢口沙市  
襄樊諸繁盛地悉謀生理家累鉅萬未可一二數各  
省大小馬頭皆有咸幫會館操奇計贏稱極盛焉俗  
尚浮華亦由於此

嫁娶

男女結配多屬童婚媒氏說合訂聘過庚帖男家用  
釵釧等物押庚女家亦有回答古納采遺意也將婚  
男家請期謂之報日納徵謂之過禮女家備粧奩器

物謂之賠嫁屆期鼓吹迎迓新婦謂之接親女家往送之門謂之交親新婦初來先行合巹禮廟見告祖拜舅姑以次及尊長親屬新婦奉盞匱進棗栗拜見舅姑卽盥饋之禮亦合古意惟俗名鬧房三日不分大小競入新房新婦行茶語言雜語博笑騰歡俗最可鄙知禮者宜力斥之

兒生有不啼者俗名悶臍呼其父母乳名務令兒啼亦有驗者小兒生三日宴客曰洗三朝過九日口洗九朝匝月日滿月週歲曰抓週生恐不壽恒斂白金鑄鎖梏其頸項曰百家鎖入寺禮佛拜僧道爲徒服

# 咸甯縣志

## 疆域卷一

風俗

三五

僧道服曰寄名俗諱養女窮民不能舉間或溺之近各上憲暨縣憲好生爲心屢次出示嚴禁各都紳耆多有起育嬰社者

喪葬 自殯殮至歸窆士族多遵家禮初喪計聞親友羣往弔之臨葬賻儀相助必盛饌宴客否則訕笑及葬銘旌素旒備極觀美不忍儉其親也鄉俗慣用浮屠遵佛教應七之說自一七至七七犯七則延僧禮佛焚楮誦經謂之打七士紳雖行家禮亦用應七名目七內作佛事或五日或七日謂之做道場拜幟破獄極爲虛誕婦女多信之子孫受遺命亦行之讀書

明理者多不爲此又或溺於形家者言停柩數年久  
淹不葬固亦求子心之倏也然而感矣

賓宴 冠服見客士紳如是鄉俗脫畧或不盡然其宴  
客之具數十年前不過魚肉今則海物惟錯率以爲  
常偶爾布筵冷熱圍碟領異標新生期祝壽錦幃爲  
屏甚至演戲侑觴以爲賓榮其弊由富饒之族僭擬  
仕宦有中人之產者亦勉強效顰語云由儉入奢易  
由奢入儉難旨哉斯言

訟獄 田土如霸佃越界術占墳山如強砍強葬盜葬  
冒占婚姻如搶親悔盟拐逃人命如投水自縊服毒

### 咸甯縣志

#### 疆域卷一

風俗 節序附

三十六

往往有之 田土則查買賣契券有無婚姻則查訂  
聘庚帖真無難力判真僞人命雖屬重件率多輕  
生若無致重傷官不之究此風亦漸熄矣藉屍抄  
毀此乃惡若讀書明理之家遇有輕生生命案恐致  
暴露多不報官

論曰在上爲政教在下爲風俗風俗何常視政教爲  
轉移耳然士習者民風之準也古有處士而式化於  
鄉者矣若陳仲弓王烈藍田呂氏其最著也咸故龐  
厚家誦戶絃兵燹後亦少異矣吾懼樸者轉而華而  
野處且匿其秀也挽統袴之習崇詩書之教正喪祭

之禮復尹媾之風非士君子責哉壬午續志補

節序

立春 前一日官行迎春禮遠近童叟競觀爲樂老農視土牛顏色占水旱高下宜種視勾芒鞋帽占晴雨燠寒是日鞭春牛如制

元旦 男婦夙興盛服鳴爆竹外戶視歲吉所向拜祝曰出行歸祀家神畢行賀歲禮幼者拜尊長以次爲差城中賀歲出行後至戚至契入門交賀疎逖者呼門投小帖而已鄉間賀歲或延至二月初旬諺云青草蓋牛蹄正是拜年時

咸甯縣志

疆域卷一

節序

三十七

上元 食糯米粉團曰元宵城鄉爲張燈之戲刻竹蒙紙爲龍狀篝燈者曰龍燈作魚獸狀者曰散燈十三十四夜爲試燈十五夜爲正燈十八十九爲續元燈釀金演劇曰花燈龍燈則沿村盤舞花燈則沿家演唱鼓吹導從竟夜爲懽迎紫姑神以下將來箕爲腹箸爲口亦能於灰盤畫字

鄉城正月招飲曰請春客酒曰春酒餅曰春餅詩所稱春酒介眉之意也

二月社日 鄉各爲社會以祀社曰祈穀先祭社然後

饗其胙 按今俗家各立土地廟農民祀神聚飲初

二日爲會者多不定用社日

三月三日 爲踏青之遊兒童放風箏爲戲張口仰觀可洩時氣

清明 前一日寒食除墓草加茶土謂之掃墓是日上塚墓祭以竹木綴紙幡標墳頭子孫羅拜鼓吹聚飲亦綴食之遺

穀雨 茶芽初發鄉間競事紅茶摘茶踩茶焙茶又值割麥插禾之時民無暇刻

二十八日 爲東嶽誕辰城鄉賽會祀神

午日 戶懸蒲艾研雄黃和酒飲之以末塗小兒耳鼻

### 咸甯縣志

#### 疆域卷一

#### 節序

三十六

并佩蒜符以辟時氛女許嫁者婿家送花幣果羹曰賀節女家酬以鞋巾然或先數日舉行不拘五日也是日造龍舟角黍弔屈原龍舟競渡奪標角勝角黍互相饋遺

五月十三日 關帝廟爲單刀會演劇祀神城鄉皆然是日雨爲磨刀雨

六月六日 富家曬衣物讀書家曬書農家則賽會祀神

七月七日 荆楚向有乞巧之戲而今不行

中元 俗謂鬼給假之時家備酒食以祭先人自十二

日始至十四日晚帑包楮錢焚之曰燒袱新亡者先  
一日焚之謂新鬼先返故也事雖無徵要亦秋霜之  
惕僧道作盂蘭會糊帑爲盞注油燃燈曰蓮花燈散  
布水上游順流而下口水燈施放陸地曰路燈剪帑  
衣包楮錢焚之

中秋 團餠爲餅曰月餅彼此饋送設酒果讌集曰賞  
月於瓜田探瓜曰摸秋送至祈子之家置卧榻上出  
吉語徵兆蓋取綿綿瓜瓞之義也

九月 士大夫登高嘯咏鄉落間製糕饋遺以盆栽菊  
累數十本曰菊花山貧者亦分植數本是日造酒

咸甯縣志

疆域卷一

節序

三十九

九月十五日 祀始祖有宗祠者合族祭祀

小除日 掃屋塵祀竈神以飴餅酒食俗名送竈亦有  
行於小除前一夕者

除日 具羹飯庶饑祀先祖焚香炳燭迎竈神更桃符  
貼春聯夜則子弟向家長行辭年禮達旦不寐曰守  
歲置酒聚飲曰團年簫鼓爆竹之聲不絕

按荆楚歲時記編於宗懌以今驗之或不盡如古所  
云蓋風俗與化移易亦因時更變也前志節序舊附  
風俗昔是今非未敢畫蘆依樣非炫異也志體宜紀  
實耳而居德善俗仍在救時君子 壬午續志補

建置

城池公署 郵傳 津梁 坊表 破塘 壇廟 寺觀

疆域志地俯察地宜因時創造則有建置昔者先王建邦啟土設險守國實墉實壑民資保障所謂城郭溝池以爲固也故首城池縣令膺百里封坐擁專城堂哉皇哉出治嚮明故次公署皇路馳驅冠蓋如雲傳命置郵德之流行驛宣政令橋通往來除道成梁王政畢賅故次郵傳次津梁咸自三元啟運代生賢喆顯仕巍科恩榮綽楔故次坊表水泉灌溉芍陂鄭渠決渠爲雨長我禾黍故次陂塘是皆切於民者也成民而後致力於神

咸甯縣志

建置卷二

城池

一

事神亦治民之典也惟釋老之教於吾道別爲一端故次壇廟而以寺觀終焉若此者官振其職民樂其成敢告來者毋忘經營志建置 壬午續志補

城池

按通志云城周四里有奇崇一丈九尺濠廣三丈水洞四門四明宏治間知縣周介創建正德中知縣邱魁修嘉靖間知縣蕭立業重修萬曆六年知縣葛應蛟增築城週六百八十八丈五尺高一丈九尺厚一丈二尺水洞四城樓四門四東升陽西便民南南薰北帶河警舖八所共費工料銀六千二百三十三兩五錢零萬曆二

十五年知縣周曰庠建護城堤起東山之麓繞城三面  
直接西河渡長三里廣三丈中建堤樓名永安國朝雍  
正四年知縣魏鈿八年知縣戴惟樞相繼修之堤內浚  
濠深廣倍焉嘉慶元年知縣張太冲重修之就土城加  
砌磚石高一丈九尺厚一丈二尺週七百五十八丈改  
東名賓陽南名文治西各雲稼北名承恩道光十九年  
文昌閣後城頽十五丈東西城樓亦壞知縣夏廷樾補  
修

論曰傳有之勇夫重閉况國乎咸踞鄂上游而縮穀  
其口唇齒輔車實相倚賴無咸實無鄂也明初咸故

# 咸甯縣志

## 建置卷二

公署

二

無城甯瑞諸賊負隅觀變西北大浸稽天桂苻出沒  
有司者難之今崇墉屹屹民稍安枕矣夫民保於城  
城保於德失此不務危將焉保是在守城者參王志

按通志載永安故城今縣治考輿地紀勝云避永安  
陵名故城咸未更名永安已有城矣王志云咸故無  
城特因元末友諒燬邑後言耳尚未遠稽也附載於  
此以曉後來 壬午續志補

## 公署

咸自南唐保大十三年始置縣面金山背紫潭左和山  
右西河歷宋元無所易元末陳友諒據武昌壬申邑燬  
遷河北今朱老廟是也友諒平歲甲辰仍遷舊治洪武  
三年知縣馮昶始建廳宇景泰間知縣陳灝繼修宏治

乙丑知縣王介重建

國朝順治六年知縣周文續修康熙四年知縣何廷翰

重修新建六曹一十二儀門三間及申明旌善二亭

堂西側連桂花堂四間豐壬子年十一月十一日粵

賊自湖湘下竄由蒲至署燬官悉斃居民舍光緒一

年多閩邑籌貲復建知署燬官悉斃居民舍光緒一

吳耀斗繼之至光緒六年知縣陳樹楠竣工制益宏麗

云光緒八年復建捕廳別構禁獄

舊署規制

正廳三間 泊水三間 後堂三間 儀門三間

咸甯縣志

建置卷二

公署

三

庫樓一座 應宿樓一座學士廖道南有記康熙五年何廷翰重修

環翠樓三間學博伍福有記二樓在縣署內康熙七年何廷翰重建名為退思堂

六房東西各六間 架閣庫一間 戒石亭一座

土地祠三間 書手攢寫房在儀門內 儀仗庫一間

厩舍天順元年知縣陳灑建康熙五年何廷翰又建宅各房

廳屋三間 樓房三間 東西房各五間 廚房一

間

迎賓館康熙四年知縣何廷翰重修

受善堂三間

榜房 頭門外左右各十間

縣獄 瓦房三間 外建瓦屋三間 角收禁解犯之所康熙七年何楚翰建

典史署

廳屋三間

康熙元年典史衛起鳳重建二年粵賊竄咸公署蓋燬

住房三間

廚房一間 咸豐

新署規制

中為大堂煖閣左聽事房右值帖房堂前樹戒石亭一座堂東庫吏戶禮科東班廳堂西迎賓館承發兵刑二科西班牙廳次為儀門門外東為候審所西福神祠前為頭門門外屏牆左東轅門右西轅門

大堂煖閣後宅門門內中為甬道左右門房後為二堂

咸甯縣志

建置卷二

公署

四

堂後解舍廨左別舍五間廨右書房三間

二堂左為明遠庫樓樓傍廚房二堂右為小花廳前為

大花廳又前對廳

捕廳在儀門右側

大堂三間 二堂三間

解舍三間 廨左廚房一間 大堂右監禁舊址候修

論曰此何地也民具爾瞻自堂以下貴賤賢否老幼

疾痛痾瘵相關生殺在予詛祝在彼亦可畏也伊可

懷也蒞斯地者將坐擁堂皇高位速謗乎抑盟心屋

漏潔己奉公乎將寓撫字於催科大擴仁字乎抑任

簿書填委視同傳舍乎不懈於位民之攸暨凡百君

子敬而聽之 壬午續志補

戎廳 久廢址亦無考光緒九年置買南門錢宅為廳

譙樓 明知縣上官儀建陳瀨修康熙六年知縣何廷

韜重修樓上銅壺滴漏前知縣張興祖建鼓一鐘一

鼓手五名

按譙望也門上為高樓以望其制美麗故一謂麗譙

中置鼓角所以警旦晚興息也昔魏武造麗譙曹子

建撰畫角三弄初弄曰為君難為臣亦難為臣難難

難次弄曰創業難守成亦難守成難難難三弄曰起

家難保家亦難保家難難難今角聲之嗚鳴者乃難

### 咸甯縣志

#### 建置卷三

公署

五

字之曳聲使人有所感悟而懲創也凡鼓三百三十

聲為一通角十二聲為一疊鼓音止角聲動三角三

鼓而昏明嚴故邑之有斯樓也於以出政教集吏民

書雲物實有關於政事徒資眺玩已耶 久廢址亦無考伍志王參

巡按分司 舊在縣南二百步明正統五年知縣龐端

建景泰間知縣陳瀨重建宏治中知縣施遠改建於

縣城東二十步為儒學射圃舊址明末賊燬

國朝順治七年知縣周文華遷建後街西康熙四年知縣

何廷韜重修

正廳三間 穿堂 後樓五間 司房東西各三間

司門一間 廚房二間 今廢

憲司分司 舊在縣東二十步明洪武三年知縣馮和  
肇建宣德中知縣上官儀天順中知縣陳灝正德中  
知縣潘澤相繼重修 明末賊燬

國朝順治十二年知縣馮源泗遷建於新憲院分司之南  
康熙四年知縣何廷韜重修

正廳三間 後堂三間 司門一間

東西廊各一間 廚房一間 今廢

府公館 在縣治東明景泰七年知縣陳灝始建宏治

十二年知縣施達重修天啟元年知縣曹應聘改

## 咸甯縣志

建置卷二

公署

六

建爲三元書院明季廢與分司舊址並爲民居

按古方伯之國卽今之布政司也分司之設初未之

有正統中冬官建議各府州縣始爲之立薇省大臣

旬宣於外布章條揚教化宣德意懲奸革弊獎善勸

賢除會去暴皆發政於此又按繩愆糾謬激濁揚清

者風雷職也明初各省建總司以掌憲度復於各府

州縣置分司以爲巡督之所於以覈官吏察民隱考

文藝舉案牘政肅於內霜飛於外使姦宄之徒有所

畏懼而不敢肆若府公館則本府官長至縣於是專

寓凡軍需課賦皆於此催辦但宜崇飭蠲潔而不可

苟者也 伍志王參

河泊所一在紫潭湖畔洪武十四年立宣德間裁革  
行臺公館 在文廟前右側三元坊之南今廢遺址尚  
存

醫學

洪武十七年設三十一年裁革二十五年  
復置醫學訓科一員 醫生五名 久廢

按周禮醫師掌醫之政令凡邦之有疾者皆造焉使  
醫分而治之所以躋斯民於仁壽之域也宋元嘉中  
始詔天下郡縣皆立醫學唐宋因之漢藝文志以醫  
列方技家班固曰方技者生生之具王官之一守也  
古有岐伯俞跗扁鵲秦和蓋論病以及因原診以知

### 咸甯縣志

#### 建置卷二

公署

七

症者也敍其書為四科一曰醫經凡七家二曰經方  
凡十二家三曰房中凡八家四曰神仙凡十家唐以  
神仙入於道家類而醫術類凡六十四家明堂經脉  
類一十六家房中不錄云 伍志王參

陰陽學

洪武十七年置久廢

陰陽訓術一員

陰陽生五名

按班孟堅謂陰陽家出於古羲和之官欽若昊天厯  
象日月星辰敬授人時者也漢藝文志凡二十一家

唐藝文志丙部子錄所載天文類二十家厯算類三  
十六家五行類六十家司馬遷曰陰陽之術太詳而

衆忌諱使人拘而多所畏然其序四時之大順不可

失也 伍志王參

郵傳

咸甯驛

驛廳三間

上房一間

次房一間

三房一間

泊水一間

廊房東西各三間

廚房二間

倉一間

庫房一間

馬房十間

馬神廟一間

鼓樓三間

上馬十疋

中馬十疋

下馬十疋

馬夫三十名 舊志

驛丞宅

咸甯縣志

建置卷二

郵傳 鋪舍 八

廳屋一間

住房六間

廚房一間

鋪舍

縣前總鋪

官華鋪

駕城鋪

桃林鋪

東北往省城路

楊山鋪

馬橋鋪

赤岡鋪

西往蕩坊路

馬家橋鋪

白沙鋪

南往通山路

每鋪設鋪司一名鋪兵六名

驛司一名

每鋪正屋三間一郵亭一間

兩廂各三間

土棧一座

門房一間

門外駐馬亭三間

望竿一根

旗面

鋪前界牌二

每鋪馬房一間

論曰周禮地官之職凡國之道十里有廬廬有飲食

三十里有宿宿有路室路室有委五十里有市市有侯館侯館有積漢書乘傳詣洛陽顏師古曰傳者若今之驛古者以車謂之傳車其後又置單馬謂之馳驛宋二十里置馬舖有歇馬亭卽路室遺意也六十里有驛驛有廩給卽侯館遺意也近制郡邑通衢六十里置驛水驛則給站船陸路則乘驛馬室廬委積所在供時器物罔不悉備十里置舖設舖司舖兵凡官司文移則晝夜靡停皇華四牡則祇迓罔怠制云善矣咸當孔道近接省會上通川廣車轍馬跡無日無之迎勞柔遠之道尤不可不備云 王志

# 咸甯縣志

## 建置卷二

郵傳 舖舍

九

### 津梁

三元橋 在縣治東五十步初名永安卽唐永安鎮也  
通判王曼改名朱紫橋正德中資福僧妙容募化建樓其上改今名崇禎間圯 國朝康熙四年知縣何廷韜重建有記

富庶橋 在橫街西上有亭康熙四年知縣何廷韜重建

下石橋 在橫街北

西河橋 在縣西半里嘉靖間縣令張時舉砌石爲基

架木其上爲屋十七間中廢萬曆壬辰知縣曹維落

重修後復圯乃造船爲梁以鐵索維之天啟甲子縣令曹應聘始甃以石鄉紳趙嗣芳捐千金成焉橋洞有七石欄環列其上影若臥虹然 國朝康熙十二年橋爲洪水所潰十六年丁巳知縣張時泰復修未成二十二年癸亥知縣王<sub>秩</sub>接修成工有記雍正丙午四年又圯乾隆二年丁巳邑孝子孫廷秀修復距道光二十九年己酉百有餘年橋將頽知縣饒拱辰捐四十金集邑紳議修未果咸豐元年辛亥知縣黃兆奎徵費千金構材大半至二年冬兵燹材耗九年知縣李遇泰捐錢百串以倡邑紳者醵金二千緡以修明年秋工竣越七載蟻蝕橋西橫梁過半邑人士仍修完好

咸甯縣志

建置卷二

津梁

十

按此橋爲咸甯八景之一實要害也西南路通數省北爲鄂郡屏藩橋之上游至洞口多崇山峻嶺不便馳驅橋之下游至筆峯塔一目瞭然卽有詭譎亦難竟渡故登諸志以明橋爲咸城要害卽爲鄂城要害不獨勝景足供遊眺已也

金塘橋 在縣東三里有亭三間其下爲東川港宏治

中知縣施達重修

下好橋 在縣南三里有亭三間宏治中知縣王介委

資福僧妙寶築堤重修黃表有記陳好橋又修之

上好橋 在浮山塘出口去縣七里

皇風橋 在縣西三里

黃家橋 在縣西五里萬曆庚子經歷曾立大修

東川橋 在縣東四里一名陳家橋正統中鄉宦陳俊

修後水衝鄉宦楊璜重建

官埠橋 在縣東十里有亭有鎮港通江湖商船所萃

橫溝橋 在縣東二十里正德中小旗汪興隆修天啟

間義民萬有重建有鎮進士鄭邦相父子故宅

架城橋 在縣東廿里一名株樹橋知縣吳驄修

咸甯縣志

建置卷二

泮梁

十一

國朝至康熙三年圯知縣何廷韜重建乾隆年間知縣

陳煥世重修有亭碑序尙存

小金橋 在駕城橋側正德中義民施景清修

宏濟橋 在北門堤口天啓中民謝尙德修

便道橋 在西河橋西畔堤上橋久圯驛路病焉康熙

四年知縣何廷韜重建

北洪橋 在縣西十里有亭三間朱北洪修故名其後

裔重修

平腰橋 在城西上十三都長壽阪上架涼亭董姓修

馬橋 在縣西二十里正德中義民趙魁賢修

水洞橋 在縣西十六里 同治甲子年新修

平家橋 在縣南十里 正德中鄉官陳俊修

汀泗橋 本名丁四橋 在縣西三十里 蒲咸分界鄉民

丁四初造 因名記載藝文正德中知縣潘澤重修

新橋

小龍潭橋

竹剗橋 在縣西十五里

姑嫂橋 在縣南十里 昔以姑嫂初建 故名 年久漸傾

同治九年例貢鎮炳文遵父必達遺命募修復之

馬家橋 在縣南二十里有鎮 天順中三峯寺僧本來

# 咸甯縣志

## 建置卷二

津梁

十三

募建

張家橋 在二都縣南三十里 明天啟年間三峯寺僧

募建有碑記 孟司農撰 載藝文 橋側有孟家厰 孟家

塘相傳爲司農故業 橋久屢圯 諸生錢雲坡曾修復

之 因名與縣東張家橋 同更名雲莊橋

龍溪橋 在縣南三十二里 三峯寺並有記載 藝文

高橋 在縣東五十里 武咸連界處有鎮

黃鉅橋 在縣南二十五里 明時白沙寺僧清理募建

白沙橋 在縣南四十里 路通通山 縣宏治中白沙寺

僧清理募修 後圯 正德十二年 其徒心誠募修 伐石

瓷砌

孟家橋 在縣東五十里水入武昌

張家橋 在縣東五十里水入武昌

游家橋 在縣東五十里水入武昌 國朝順治十六

年重建

盤元橋 在縣南五十里

芙蓉橋 在縣南二十里宏治中義民余茂先建

新橋 在縣東五十里水入張家橋

楊湖橋 在縣東二十五里路通興國州正德中義民

熊勝賢劉興棋募砌

咸甯縣志

建置卷二

津梁

十三

高茶橋 在縣東南五十里

洗馬橋 在縣東三十里路通武昌縣正德中義民毛

鳳伐石瓷砌

黃石橋 在縣北三十里客舟所聚處

觀山橋 在縣東北四十里正德中典史陳恩修

賀勝橋 在縣北四十里宋末兵起里人王曄聚眾與

賊戰得勝相賀因以名橋

鹿過橋 在縣東三十里上下橋二下係萬厯年間周

南號從雲建上係康熙年間周季臣同姪介孚倡修

均安橋 亦名老馬橋在十二都山南坂源出鳴水泉

小路通嘉蒲崇通四邑

白楊橋 在二都珠山寺僧慈雲捐修

竹林橋 在二都唐姓屋下首僧慈雲募修

四門樓橋 在二都四門樓周姓公建

兩河橋 在十二都縣南四十里同治十二年王錫三

募建

萬壽橋 在十二都縣南四十里

玉峯橋 在十二都縣南三十里

樂善橋 在縣南三十里朱家河康熙年間齋公曹邦南苦行募建有碑

錫福橋 在下七都乾隆壬寅年陳萬良偕姪時慶建光緒丙子年橋圯孫耀東募修復之

咸甯縣志

建置卷二

津梁

十四

劉家橋 在三都縣南四十五里

羅家渡 在縣西北二里萬厯間經歷曾立大置山地

四畝田數畝給舟人爲工食修船之費知縣朱凌霄

刻石紀其事

張沙渡 在縣北七里現里人集賢公設義渡

官船渡 在縣東北十里

論曰橋梁國政也周官司空掌之天官以天津九星

衡貫河中爲津梁象夏小正九月除道十月成梁是

故收場工時舂鏹課章程測水闌而成之利涉大川

用此道也道弗不行單襄以爲亡徵子路治蒲孔子

見其溝渠而三善之矣嗚呼亂流而涉踰膝則止盈  
盈一水實爲異途吾邑方舟輿梁所在不乏夷然康  
衢民未病涉自非愷悌之宰鄉黨自好之士仁爲  
質引義慷慨孰克臻是乎故紀其名令後世有述焉  
坊表

明德坊 在縣門左

新民坊 在縣門右

宣化坊 在縣門前

頤賢坊 在學門左

毓秀坊 在學門右

激濁坊 在舊憲司左

揚清坊 在舊憲司右

生賢坊

三元坊

儒學右爲宋馮文簡立  
知縣何廷韜重修

解元坊 王倫立

### 咸甯縣志

#### 建置卷二

津梁

坊表

五

都憲坊

陳志立

繡衣坊

在縣左 御史方  
洙立

豸冠坊

御史唐震立

都諫坊

有二在縣治左  
右顯間立

忠諫坊

在縣治前孟養浩立道  
光四年邑紳耆重修

忠臣坊

在橫街北黃表  
祖子澄立

恩榮坊

有三一在儒學左光祿趙邦柱立一在舊分司  
前憲副趙嗣芳立一在縣前街王祺立

登科坊

舉人陳寶立

應奎坊

舉人陳漢立

昂霄坊

舉人李九思立

擢秀坊

舉人陳以恣立

步武坊

舉人方果立

飛騰坊

舉人俞敏立

懷義坊

後街

由義坊

前街

皇華坊

在驛前

節義坊

西街

論曰坊者方也言人所居之里爲坊也又方類也方

以類聚居者必求其類也漢洛陽有九字坊唐裴晉公有碎錦坊宋富鄭公有遺直坊坊之由來尚矣今里邑皆有坊或因風俗之善或因賢能之興或因節義之著而題美名以表之使居是坊者觀感興起處仁遷義誠厚風化之一端也

陂塘

長陂 在縣西南四十里

雙陂 在縣南三十里

黃土陂 在縣東

高墩陂 在縣東十五里

咸甯縣志

建置卷二

坊表 陂塘

黃鉅陂 在縣二都

彭家堰 在縣南二都楊橋地方記載藝文

蒲潭塘 在縣北十五里下為龍湫旱禱屢應本伍志

桃林塘 在縣東三十里

文家塘 在縣東二十里

百丈塘 在縣北十五里

牛鼻塘 在縣東三十里

馬鞍塘 在縣西三十里旁有石窟多產鮒魚色黑味

甘

黃泥塘 在黃泥山上每湖水長塘水亦長時有廢蓆

船板湧出源與江湖通下有黃泥洞

浮山塘 在縣東八里泉流出下好橋

北洪塘 在縣西十里

宏文塘 在縣東南三十里

古隄塘 在縣東三十里

論曰周官營溝行水之制職之匠人俾任浚導之功  
止水蓄水之令領之稻人俾專儲蓄之利水道源流  
無不加之意者備旱澇也咸境陂塘不一灌溉之利  
隱然古蓄水行水之遺故鄉人賴以獲豐殖之資官  
司仰之享租賦之人一邑之間利亦溥矣備書諸冊

### 咸甯縣志

#### 建置卷二

陂塘 壇廟

七

於以見水利之政宜修舉而不墜也 伍志王參

#### 壇廟

社稷壇 在縣西半里西河寺山之後洪武八年立天

順間知縣陳瀨重建正德中知縣邱魁修其制東西二

丈五寸高三尺四寸出陛各三級壇下前十二丈後九

尺五寸東西南各五丈繚以周垣四門紅油由北門入

石主長二尺五寸方一尺埋於壇南正中去壇二尺五

寸止露圓尖餘埋土神牌二以木爲之殊漆青字高

二尺二寸闊四寸五分題曰縣社之神縣稷之神臨祭

設於壇上盛以矮棹祭畢藏之神厨 舊址尚存

時曰 順治元年定 每歲春秋仲月上戊日致祭十五年復定時辰用上戊日子時

齋戒 前期凡一應執事官員人等各於家致齋三日

祝文 乾隆九年頒定 維某年月日某官敢昭告於縣

社之神縣稷之神曰惟神奠安九土粒食萬邦分五色

以表封圻育三農而蕃稼穡恭承守土肅展明禋時屆

仲春秋敬修祀典庶九九松栢鞏磐石於無疆翼翼黍苗

佐神倉於不匱尙饗

陳設 雍正二年頒定 每位用黑色制帛一白磁甕三

羊一豕一鉶二簋二盥二邊四豆三

咸甯縣志

建置卷二

壇廟

六

祭品

鉶實和羹

簋實黍稷

盥實稻粱

邊實棗栗形

豆實韭菹醢鹿

冊

祀儀 乾隆四年頒定 正祭日各官具朝服至壇贊禮

生引至行禮處通贊唱排班承祭官及各官排班立唱

班齊瘞毛血迎

神贊引生贊跪叩興承祭官及各官俱行三跪九叩頭禮

興通贊唱奠帛行初獻禮贊引生引承祭官詣盥洗所

盥洗畢詣酒樽所司樽者酌酒詣

司社神位前承祭官至案前立贊引生贊跪承祭官跪贊

獻帛司帛生奉帛跪進承祭官受帛拱舉獻畢贊引生

贊獻爵司爵者奉爵跪進承祭官受爵拱舉獻畢贊引生贊叩首興承祭官叩頭興贊引生贊詣

司稷神位前承祭官獻帛獻爵如前儀畢贊引生贊詣讀祝位承祭官詣讀祝位立贊引生贊跪承祭官及各官皆跪贊讀祝文畢贊叩興承祭官及各官俱三叩頭興贊復位承祭官就原位立通贊唱行亞獻禮贊引生贊詣

神位前獻爵如初獻儀畢贊引生贊復位承祭官復位立通贊唱行終獻禮贊引生贊詣

神位前獻爵如亞獻儀畢贊引生贊復位承祭官復位立

咸甯縣志

建置卷二

壇廟

十九

通贊唱飲福受祚贊引生贊詣福胙位承祭官就位立

奉酒胙者至福胙位右旁跪接酒胙者在左旁跪贊跪

承祭官跪贊飲福酒承祭官受爵拱舉授接爵者贊受

胙承祭官受胙拱舉授接胙者贊叩興承祭官一叩頭

興贊復位承祭官復位立通贊唱謝福胙贊引生贊跪

叩興承祭官及各官俱行一跪三叩頭禮興通贊唱徹

饌送 神贊引生贊跪叩興承祭官及各官俱行三跪

九叩頭禮興通贊唱司祝者奉祝司帛者奉帛各詣望燎所唱望瘞贊引生贊詣望燎所承祭官至瘞位立祝

帛焚半贊禮畢退

按壇之上立石主者蓋社以祭地主陰氣也陽氣積而成天故其精爲星陰氣積而爲地故其精爲石石擊則星出陰動生陽也星隕則化石陽變爲陰也土爲陰氣之積而石乃其精故社以石爲主又社稷皆木主而石主居其中蓋社爲五土山林川澤邱陵墳衍原隰是也稷爲五穀黍稷稻菽麥是也五穀生於原隰是土所自出故石得以貫之亦以明社稷神無二致也

神祇壇

舊本名山川嘉慶十六年奉部文更正

在縣治南一里金山之陽洪武

八年立天順四年知縣陳灝修正德中知縣邱魁重修制與社稷同牌凡三一爲風雲雷雨之神居中一爲縣

咸甯縣志

建置卷二

壇廟

二十

境內山川之神居左一縣城隍之神居右俱南向由南門入不用石主歲以仲夏仲秋致祭壇制與社稷同時日順治初定每歲春秋上戊日致祭

齋戒與社稷壇同

祝文 乾隆五年頒定 維某年月日某官等敢昭告於風雲雷雨之神本縣境內神祇城隍之神曰維神贊襄天澤福佑蒼黎佐元化以流形生成永賴秉氣機而鼓盪溫肅攸宜磅礴高深長保安貞之吉憑依鞏固實資捍禦之功幸民俗之殷盈仰神明之庇護恭修歲祀正

值良辰敬潔豆籩祇承牲帛尚饗

陳設 雍正二年頒定 每位用白色帛一白磁爵三共  
用羊一豕一釧二簠二簋二籩四豆四

祭品

祀儀 與 社稷壇同

按禮制凡各布政司府州縣春秋仲月上旬戊日既祭  
社稷而又擇日以祭風雲雷雨山川城隍之神蓋風雲  
雷雨發育萬彙神乎天也山林川澤以取財物神乎地  
也城隍以衛人民神乎人也皆造化之用功在生民靈  
而莫測故謂之神常祀之典所當修也夫郡邑旣不敢  
祭天地則所當祭者不過是耳外此苟非有大功德於

咸甯縣志

建置卷二

壇廟

二十一

民而載諸彝典者皆淫祀也

先農壇 每歲主祭官率屬員耆老農夫致祭行耕藉之禮

時日 雍正四年定 每歲季春亥日致祭

齋戒 雍正五年定 先期主祭官各官俱致齋二日

祝文 乾隆五年頒定 維神肇興稼穡粒我烝民頌思

文之德克配彼天念率育之功陳常時憂茲當東作咸  
服先疇洪維九五之尊歲舉三推之典恭膺守土敢忘  
勞民謹奉彝章聿修祀事惟願五風十雨嘉祥恒沐乎  
神庥九穗雙歧上瑞頻書於大有尚饗

陳設 雍正四年定 每歲致祭用帛一羊一豕一釧二

簋二簋二邊四豆四酒罇一

祭品

祀儀 與 社稷壇同

雩祭 乾隆七年 定 每歲孟夏月舉行常雩之禮不別

立雩壇卽於先農壇行禮並合祀社稷山川諸神牌

時日 乾隆七年定 每歲以四月十八日致祭

齋戒 乾隆七年定 至祭官各官先期致齋三日

祝文 乾隆七年頒定 文曰恭膺詔命撫育羣黎仰體

彤廷保赤之誠勤農勸稼俯惟蒞屋資生之本力穡服田令

甲爰頒肅舉祈年之典惟寅將事用申守土之忱黍稷

咸甯縣志

建置卷二

壇廟

二十二

惟馨尚冀明昭之受賜來牟率育庶備豐裕於蓋藏尚

饗

陳設 祭品 祀儀 與 先農壇同

邑厲壇 按厲壇舊在縣西北五里隔河洪武八年立天順

四年知縣陳灝修宏治中知縣施達遷近北門外後復遷

於東高山之下其制壇屋一間宰牲房三間祭文本牌一

片每歲春用清明日秋用七月十五日冬用十月初一日

致祭迎本縣城隍牌於壇正中用羊一豕一設無祀鬼神

於壇下左右祭用羊二豕二解置於器糧米五石爲飯香

燭酒紙隨用祭文載洪武禮制辭繁未錄

鄉厲壇 每都一所里甲人等祭日與邑厲同

鄉社壇 每鄉一所與鄉塾相聯祭日與社稷同

論曰厲說文作厲禮記泰厲祭古帝王之無後者公厲祭古諸侯之無後者族厲祭古大夫之無後者先儒以其無歸或爲民害故祀之厯稽古制京都有泰厲之祭王國有國厲之祭府有郡厲之祭縣有邑厲之祭里有鄉厲之祭一歲凡三行之

皇仁浩蕩貫徹幽潛哀死恤民之道於斯至矣

文昌閣 今在南城內施家溝東門臨孟家塘明孟司農故宅後人以逋賦入官爲積儲所乾隆庚午鄒平李公

### 咸寧縣志

#### 建置卷二

壇廟

二十三

五峯任縣改祀文昌右淦川書院左園地大如書院基兵燹後閣漸朽壞光緒八年知縣陳樹楠葺而新之

每歲春秋仲月及誕辰致祭 祭品祀儀與 關廟同

祝文 嘉慶六年頒定 文曰維神蹟著西垣樞環北

極六匡麗曜協昌運之光華累代垂靈爲人文之主宰扶正久彰夫感召薦馨宜致其尊崇茲屆仲禋用

昭祀事尙其歆格鑒此精虔

文昌帝君後殿嘉慶六年太常寺奏准文昌帝君三代姓

名查無確據未便請加封號謹擬增置神牌一分牌

面書文昌帝君先代神位字樣先詣後殿行禮式如

關帝後殿

祝文 嘉慶六年頒定 文曰祭引先河之義禮崇返本  
之思矧夫世德彌光延賞斯及祥鍾累代烱列宿之精  
靈化被千秋偉人文之主宰是尊後殿用答前庥茲值  
仲穡肅將時事用伸告潔神其格歆

關帝廟 在東門外半里許東嶽廟之右 今廢

國朝順治九年

敕封忠義神武關聖大帝乾隆三十三年

加封忠義神武靈佑大帝嘉慶十九年

加封忠義神武靈佑仁勇大帝道光八年加封威顯字樣咸

咸甯縣志

建置卷二

壇廟

二十四

豐二年加封護國字樣

時日 每歲春秋仲月及五月十三日三次致祭

祝文 維帝浩氣凌霄丹心貫日扶正統而彰信義威震

九州完大節以篤忠貞名高三國神明如在徧祠宇於

寰區靈應丕昭薦馨香於歷代屢徵異蹟顯佑羣生恭

值嘉辰遵行祀典筵陳饗豆凡莫牲膠尚饗

陳設

祭品 與 文廟同

祀儀 雍正五年定 承祭官行三跪九叩頭禮 乾隆

九年定 祀事儀節 正祭日各官具朝服齊集陰陽

生報鼓三次贊引生引至行禮處通贊唱執事生各司其事承祭官就位陪祭官各就位立通贊唱迎神各官俱行三跪九叩頭禮興通贊唱奠帛行初獻禮贊引生引承祭官詣盥洗所贊進巾盥洗畢詣

闕帝神位前上香獻帛獻爵如文廟儀畢贊叩首興承祭官一叩頭興贊引生贊詣讀祝位前承祭官至祝位立讀祝生奉祝文立於案左贊引生贊跪承祭官及各官皆跪贊讀祝文讀祝生跪讀畢贊引生贊叩興各官俱三叩頭興贊復位承祭官復位立通贊唱行亞獻禮如初獻儀畢行終獻禮如亞獻儀畢飲福受胙徹饌辭神

咸甯縣志

建置卷二

壇廟

二十五

望瘞均與文廟同各官俱行三跪九叩頭禮畢退

闕帝後殿 雍正三年定

加封闕帝三代曾祖光昭公祖裕昌公父成忠公皆供奉後殿五年定咸豐六年加封王爵每歲三致祭

時日 三祭典 闕帝同

祝文 咸豐五年頒定 維王世澤覃庶令儀裕後靈鍾

河嶽篤生神武之英誠溯淵源宜切尊崇之報班爵超躬桓而上升香肅俎豆之陳茲際仲穉爰修祀事尚祈昭鑒式此苾芬尚饗

陳設 雍正五年定 不用牛餘照前殿

祭品 與前殿同

龍神祠 每歲春秋仲月某日致祭先期陪祭官赴祠省牲  
祭品 帛一 豕一 羊一 酒爵三

儀注 祭日主祭官衣蟒衣禮生稟請行禮至盥洗所贊  
盥洗盥洗畢引至殿內行禮處立通贊唱執事者各司  
其事主祭官就位陪祭官各就位瘞毛血迎神行二跪  
六叩頭禮興行初獻禮引唱詣酒罇所司罇者舉罇酌  
酒詣

神位前跪進帛進爵叩頭興詣讀祝位跪衆官皆跪讀祝  
畢叩頭俱興復位通贊唱行亞獻禮如初獻儀行三獻

咸甯縣志

建置卷二

壇廟

二十六

禮如亞獻儀通贊唱飲福受胙引唱詣飲福受胙位跪  
飲福酒受福胙叩頭興謝胙一跪三叩頭興復位通贊  
唱徹饌送神行二跪六叩頭禮興司祝者捧祝司帛者  
捧帛各詣堊瘞所祝帛焚半贊唱揖復位禮畢

祝文 惟神德洋寰海澤潤蒼生允襄水土之平經流順  
軌廣濟泉源之用膏雨及時績奏安瀾占大川之利涉  
功資育物欣庶類之蕃昌仰藉神庥宜隆報享謹遵祀  
典式協良辰敬布几筵肅陳牲幣尚饗

城隍廟 在縣市後街南宜德中知縣謝仲重建正德知縣

王介修崇禎知縣孟良範重修康熙中知縣何廷翰重葺

添建功曹神像咸豐二年廟左土地祠財神祠廟後僧房均被兵燬神殿及拜殿戲臺俱被燬敗蟻又蝕之同治四年闔邑紳耆醵金以修

按祀典陽氣升而天神降地氣肅而人鬼出自邦國達於臣庶家祭秩切近者社稷五祀而已城隍之神初未載也世說秦功臣馮尙見夢於漢高帝曰奉天帝命與王知領城隍陰事雖愴况不可致詰然自漢迄今爲天下通祀社與五祀雖有常尊莫城隍若也蓋累土依山爲城掘土浚川爲隍所以捍寇敵衛人民高城深池之表宜有主司淑慝超然不可致詰者

## 咸甯縣志

### 建置卷二

壇廟

二十七

存神而明之陰陽一理故歷代祀典不廢明太祖初秩城隍之祀京都視王郡視公州視侯縣視伯後改稱某郡縣城隍之神封爵不用

國朝因之廟貌益新焉嗚呼明有禮樂幽有鬼神洋洋如在不可度思故凡新令到任特與神誓君子於斯所當敬畏而不敢忽者也

奎星樓 舊在城西康熙九年知縣何廷韜建塑文昌奎星二像後廢移祀奎星於文昌閣光緒六年知縣陳樹楠建樓於文昌宮後茅山有記載藝文

張中丞廟 卽安瀾宮 在後街資福寺左祀張睢陽創始

無考知縣陳灝重修康熙七年知縣何廷韜再修并新建前殿及廊房

關聖廟 在縣東一里東嶽觀之右知縣陳灝建崇禎丁丑遊擊劉承允平峽山賊獲神祐重修焉崇陽進士汪桂有記 國朝嘉慶十六年辛未知縣郎錦駿修葺後蟻朽道光十七年丁酉知縣夏廷樾重建咸豐二年十一月兵燹廢見擬籌修

朱老廟 一名朱牢廟在羅家渡北相傳神初爲本縣提牢吏午節夜歸聞鬼語將疫毒放井中公欲救之念詰朝語人或不盡信不若以身投井晨自無汲者

咸甯縣志

建置卷二

壇廟

二十六

遂溺死焉毒氣所觸脣若烏啄然至今午節祀之以禦疫一云元末爲本縣獄卒平生信祀神佛能以巫術療病常手執玻杯以口呵之遂著口上不可脫自云死作衙門土地元季兵變遷縣治於廟後今廟其衙門也康熙七年知縣何廷韜遷建新廟於北門城內舊廟如故

觀音廟 在城南三十里朱家河雍正六年曹邦南募

建

五聖宮 在中城縣前街老火巷內與兩銘書屋隔巷

今廢遺址尙存

玉皇廟 舊在東峯之下知縣陳灝建天啟中改建於西河寺後康熙四年知縣何廷韜遷建寺前

張王廟 在縣東十里官埠橋

章皇廟 在下七都

吳主廟 在馬驛姜家巷內祀孫權其祠於鄉社者不一所在皆有

文昌宮 在縣東十里官埠橋旁建奎星閣

來蘇廟 通志云在縣西南

關王廟 在上七都離城二十里許

關帝廟 在縣東十里官埠橋西

### 咸甯縣志

#### 建置卷二

壇廟

二十九

阜角廟 在縣治東祠五顯之神以傍多阜角樹故名

其中又有所謂樂王者荆楚故俗謂神酷好音樂鄉人有疾輒於廟中酬戲賽福擊金伐鼓歌舞傀儡以樂神康熙六年知縣何廷韜重建正殿

第一山 卽東嶽廟 在縣治東一里關聖廟之左正統中

知縣龐端建康熙六年知縣何廷韜重修改建前殿增設十殿及諸神像咸豐二年冬兵燬今已修葺

朱公廟 在上七都雲頂寺下二里許

洞庭廟 在上七都白公潭祀洞庭君柳毅船過谷頭

湖必祭之

張王廟 在二都龍口地方咸豐八年里人馮祖鳳劉  
大建募建僱人奉祀不准招僧記載藝文

春秋閣 在九都汀泗橋咸豐二年壬子兵燹廢址存

論曰聖王先成民而後致力於神故社五土稷五穀  
所以厚民生而以死勤王以勞定國樂大蓄得大患  
者秩在祀典亦既彰彰矣自聖教攸斲被髮而祭或  
祀之非其分或祠之非其地皆名淫祀淫祀無福以  
咸民號稱樸嗇而率畧於內鬼淫於外祀焚楮蕪骨  
趨媚恐後莫知所由來也豈尚鬼好巫荆楚之故俗  
然耶彼洞楚有言桀黠之豪作姦犯科凶逆之子邪

### 咸甯縣志

#### 建置卷二

壇廟 寺觀

三十

曲側媚詩書不能開覆轍之迷名教不能移福堂之  
樂乃登壇則趨過祠則下語及泰山泥犁則五體不  
覺盡投譚至鄼犴業鏡則寸膚悚然皆栗豈非神道  
足濟人道之窮而聖王設教固有所不廢乎 王志

#### 寺觀

資福寺 在後街西爲咸首刹領僧會司宋建隆間僧

福真開山元延祐間修明正統年都御史吳廷舉重

建 國初僧通神重修康熙四年知縣何廷鞞復建

觀音殿棟宇宏敞凡宣 論習儀皆在焉道光十九

年僧寶月建修朗亭於觀音殿後又建藏雲閣三間

於觀音殿西咸豐二年均被兵燬

西河寺 城西半里龍王廟旁俯眺河橋淦流激玉鳳  
鳳前轟石鼓左峙漁歌互唱與閣鈴相應爲一邑勝  
觀康熙七年知縣何廷韜主僧性恆建佛像觀音樓  
及諸方丈舊文昌閣卽在寺後見理齋集

九龍寺 在十二都寓仙洞前天順元年僧福慧建萬  
曆丙戌燬於火僧普念募修康熙六年知縣何廷韜  
重建

小暑寺 在十都嘉魚尚書吳廷舉以小暑日建故名  
康熙七年知縣何廷韜重修

咸甯縣志

建置卷二

寺觀

三十一

三峯寺 在龍溪山元末兵燬明正統中僧本來重建  
禪臺寺 在縣西南二十里上十一都景泰中僧圓惺  
重修山頂有天泉詳禪臺山下

白沙寺 在十二都蓮蓬山僧從智開山鄉宦王鼓峯  
施有香火田地山塘勒於石

海龍寺 在四都碧泉山僧江英重建旁有龍池四時  
不涸

金塘寺 在縣東五里明天順中僧道澄建正德間僧  
智秀修 國朝順治十七年僧眞印重建

黃山寺 在縣西二十里成化中僧洪湛重建

潛山寺 在縣南二十里宋三元馮京讀書之所明末  
樂年間新安王施千佛袈裟一件近視無佛遠觀有  
佛十年施銀字金剛經一摺二十年施金字金剛經  
一摺迄今數百餘年紙響如銅又降魔杵一係九換  
銅所造四件至今猶存邑令陳煥世過潛山寺詩二首錄一  
載藝文

白石寺 在縣東一十里僧道滿修

鶴林寺 在縣東二十里僧覺正修

白水寺 在縣東三十里景泰中僧德觀修

寶泉寺 在上十一都一名衢道寺

### 咸甯縣志

#### 建置卷二

寺觀

三十二

北山寺 在三都黃石洞僧法昌修

白雲寺 在上五都景泰中僧道珍重修

石門寺 在十二都天順間僧恒輝重修初開山時得

斷碣爲宋石門院故址因名鄉官王煥施有香火田

地山塘勸於石煥父獻箴有記載藝文

龍泉寺 在下七都

崇福寺 在二都僧寶中修

香巖寺 在下七都

祥雲寺 在三都狐嶺山天順中僧光智重修

輞山寺 在八都

甘首寺 在下五都正統中僧昌昱重修

圓隆寺 在八都

泉港寺 在六都僧本雲重修

劉青菴 在下五都

寶福寺 在上五都僧修聰修今名西擗寺

珠山寺 在二都

黎首寺 在八都僧了性重修

九重寺 在下五都月臺山下舊爲尼寺正統中僧普

廣建

多寶寺 在九都有濟祖師塔一名尖山寺天順三年

咸寧縣志

建置卷二

寺觀

三十三

僧文學重建

崇雲寺 在四都卽新開寺天順五年僧寶鍾重建係

資福寺分派

靜安寺 在六都僧如剛修

團田寺 在三都

禪池寺 在四都長嶺唐開元六年開禪和尚郊山募

修明景泰七年僧法澗重修

觀音堂 在六都

雲峯寺 在二都僧廣濟修寺左有聲公祠道光己酉

年錢姓建有碑記寺右僧房

望雲寺 在二都石川暇嘉慶二十三年僧受千募建

洪山寺 在六都

金雞寺 在三都金雞山天順五年僧道清重修上有

金雞井

勝音寺 在城西二十里上十一都大龍山元初土內

掘出一鐘一日三時聲音不同故名勝音前明刑部

員外郎趙嗣芳讀書處遺跡猶存有記載藝文

尖山寺 在三都與石燕寺相隣

崇禎堂 在六都

瞻泉寺 在十二都鳴水泉前

### 咸甯縣志

#### 建置卷二

寺觀

三十四

東山寺 又名東關在十二都洪崖山上明景泰年間

募建

石燕寺 在六都

谷雲寺 在上十一都棠棣山傍王大寰讀書處後登

鄉科官北京戶部主事取出谷凌雲之意以名寺

圓覺寺 在八都潛山寺分支

棲錫林 在上十三都

八覺寺 在下七都

雲頂寺 在上七都紫潭上二里許

三元寺 在下七都

西海寺 在六都萬厯間修建

洞口菴 在西關外上十三都石鼓嶺時其工金雞嶺  
聳其右為洞口內勝觀道光癸未年僧長青修咸豐  
壬子年兵燹焚廢光緒辛巳年僧續青重建

方廣菴 在八都

寶月菴 在十都

普菴堂 在橫溝橋傍鄭翰林野謀讀書之所

興隆寺 在十都咸豐乙卯年兵燹丁巳年僧淨凡重修

十峯寺 卽石腦寺

福民寺 在九都彭陂曠僧寂真改建

### 咸甯縣志

#### 建置卷二

寺觀

三五

泗洲寺 在十都

觀音寺 在上十一都康熙八年何廷韜修

七寶寺 在九都

白衣菴 在九都黃山之北

元都觀 在九都 今廢

紫山觀 一名龍王廟在下七都

金頂觀 在相山後廢址尚存

城山觀 在官埠舖東 已廢

龍興觀 在官船渡北

天聖觀 在上十一都大泉口

論曰寺觀安昉乎漢明帝遣博士王遵等往西城迎  
佛法得迦葉摩騰竺法蘭二梵僧帶白旛畫釋迦像  
經四十一章白馬馱至洛陽止鴻臚寺帝乃立精舍  
處之因本寺名翔白馬寺此僧寺之始也周穆王尙  
神仙召伊執杜冲居鍾南山西靈真人之所因號樓  
觀又黃帝內傳西王母授帝白玉元始真容置於高  
觀之上謂之道觀觀義取此歷世相沿二氏之字曰  
新月盛咸雖小邑而梵刹元宮幾數十所學士大夫  
沉涵濡首以從之又何怪乎輪迴果報之說中蚩蚩  
者之深也雖然世教衰民失其養彼無告者得假緇

咸甯縣志

建置卷二

寺觀

三十六

黃以遊食李溫陵所謂朝廷一大養濟院也今奉

明旨嚴汰僧尼每縣量留數僧祀香火餘盡散遣歸農  
嗚呼崇正學而黜異端此舉實萬代瞻仰矣

王志

